

摘藻堂四庫全書薈要

史部

欽定四庫全書薈要

史部

明史卷八十八
九

詳校官編修臣繆晉



欽定四庫全書薈要卷六千六百八十一 史部

明史卷八十八

大學士張廷玉等奉 敕修



第六十四

河渠六

直省水利

三代疆理水土之制甚詳自井田廢溝遂堙水常不得其治於是穿鑿渠塘井陂以資灌溉明初太祖詔所在

有司民以水利條上者即陳奏越二十七年特諭工部
陂塘湖堰可蓄洩以備旱潦者皆因其地勢修治之乃
分遣國子生及人材徧詣天下督修水利明年冬郡邑
交奏凡開塘堰四萬九百八十七處其恤民者至矣嗣
後有所興築或役本境或資鄰封或支官料或採山場
或農隙鳩工或隨時集事或遣大臣董成終明世水政
屢修可具列云洪武元年修和州銅城堰開週迴二百
餘里四年修興安靈渠為陡渠者三十六渠水發海陽

山秦時鑿溉田萬頃馬援葺之後圯至是始復六年發
松江嘉興民夫二萬開上海胡家港自海口至漕涇千
二百餘丈以通海船且濬海鹽澉浦八年開登州蓬萊
閣河命耿炳文濬涇陽洪渠堰溉涇陽三原醴泉高陵
臨潼田二百餘里九年修彭州都江堰十二年李文忠
言陝西病鹹鹵請穿渠城中遙引龍首渠東注從其請
甃以石十四年築海鹽海塘十七年築磁州漳河決堤
決荊州嶽山壩以灌民田十九年築長樂海堤二十三

年修崇明海門決堤二萬三千九百餘丈役夫二十五萬人四川永寧宣慰使言所轄水道百九十灘江門大灘八十二皆被石塞詔景川侯曹震往疏之二十四年修臨海橫山嶺水閘寧海奉化海堤四千三百餘丈築上虞海堤四千丈改建石閘濬定海鄞二縣東錢湖灌田數萬頃二十五年鑿溧陽銀墅東壩河道由十字港抵沙子河胭脂壩四千三百餘丈役夫三十五萬九千餘人二十七年濬山陽支家河鬱林州民言州南北二

江相去二十餘里乞鑿通設石陡諸閘從之二十九年
修築河南洛堤復興安靈渠時尚書唐鐸以軍興至其
地圖渠狀以聞請濬深廣通官舟以餉軍命御史嚴震
直燒鑿陡澗之石餉道果通三十一年洪渠堰圯復命
耿炳文修治之且濬渠十萬三千餘丈建文四年疏吳
淞江永樂元年修安陸京山漢水塌岸章邱漯河東堤
高密濰決岸安陽河堤福山護城決堤浙江赭山江塘
餘千龍窟壩塘岸臨潁褚河決口濰縣白浪河堤潛山

懷寧陂堰高要青岐羅婆圩通州徐竈食利等港平遙
廣濟渠句容楊家港王旱圩等堤肇慶鳳翔遙頭岡決
岸南陽高家屯頭二堰及沙澧等河堤夏縣古河決口
三十餘里修築和州保大等圩百二十餘里蓄水陡門
九濬昌邑河渠五所鑿嘉定小橫瀝以通秦趙二涇濬
崑山葫蘆等河命夏原吉治蘇松嘉興水患濬華亭上
海運鹽河金山衛閘及漕涇分水港原吉言浙西諸郡
蘇松最居下流嘉湖常頗高環以太湖綿亘五百里納

杭湖宣歙溪澗之水散注澱山諸湖以入三泖頃為浦
港堙塞漲溢害稼拯治之法在濬吳淞諸浦按吳淞江
袤二百餘里廣百五十餘丈西接太湖東通海甬代常
疏之然當潮汐之衝旋疏旋塞自吳江長橋抵下界浦
百二十餘里水流雖通實多窄淺從浦抵上海南倉浦
口百三十餘里潮汐淤塞已成平陸濫沙游泥難以施
工嘉定劉家港即古婁江徑入海常熟白茆港徑入海
皆廣川急流宜疏吳淞南北兩岸安亭等浦引太湖諸

水入劉家白茆二港使其勢分松江大黃浦乃通吳淞
要道今下流遇塞難濬旁有范家浜至南倉浦口徑達
海宜濬深濶上接大黃浦達泖湖之水庶幾復禹貢三
江入海之舊水道既通乃相地勢各置石閘以時啟閉
每歲水涸時預修圩岸以防暴流則水患可息帝命發
民丁開濬原吉晝夜徒步以自先之功遂成二年修泰
州河塘萬八千丈興化南北堤泰興沿江圩岸六合瓜
步等屯濬丹徒通潮舊江又修象山茭湖塘岸海康徐

聞二縣那隱坡調黎等港堤岸黃巖混水等十五閘六
陡門孟津河堤分宜湖塘武陟馬田堤岸香山竹徑水
陂復興安分水塘興安有江源出海陽山江中橫築石
埭分南北渠溉民田甚溥埭上疊石如鱗以防衝溢嚴
震直撤石增埭水迫無所洩衝塘岸盡趨北渠南渠淺
澀民失利至是修復如舊海門民請發淮安蘇常民丁
協修張墩港東明港百餘里潰堤帝曰三郡民方苦水
患不可重勞遣官行視以揚州民協築之當塗民言慈

湖潁江上通宣歙東抵丹陽湖西接蕪湖久雨浸淫潮漲傷農宜遣勘修築帝從其請且諭工部安徽蘇松浙江江西湖廣凡湖泊卑下圩岸傾頽亟督有司治之夏原吉復奉命治水蘇松盡通舊河港又濬蘇州千墩浦致和塘安亭顧浦陸皎浦尤涇黃涇共二萬九千餘丈松江大黃浦赤雁浦范家浜共萬二千丈以通太湖下流先是修含山崇義堰未幾和州民言銅城閘上抵巢湖下通楊子江決圩岸七十餘處乞修治其吏目張良

興又言水滄麻豐二湖田五萬餘頃宜築圩埂起桃花
橋訖含山界三十里俱從之三年修上虞曹娥江壩埂
溫縣馱塢村堤堰四千餘丈南海衛蓮塘四會縣鵝鵲
水等堤岸無為州周興等鄉及鷹揚衛烏江屯江岸築
昌黎及歷城小清河決堤應天新河口北岸從大勝關
抵江東驛三千三百丈濬海州北舊河上通高橋下接
臨洪場及山陽運鹽河十八里四年修築宣城十九圩
豐城穆湖圩岸石首臨池萬石堤溧水決圩修懷寧斗

潭河彭灘圩岸順天固安保定荆岱樂亭魯家套社河
口吉水劉家塘雲陂江都劉家圩港築湖廣廣濟武家
穴等江岸新建石頭岡圩岸江浦沿江堤開泰州運鹽
河普定秦潼河西溪南儀阡三處河口導流興化鹽城
界入海濬常熟福山塘三十六里五年修長洲吳江崑
山華亭錢塘仁和嘉興堤岸餘姚南湖壩築高要銀岡
金山等潰堤溉田五百餘頃治杭州江岸之淪者六年
濬浙江平陽縣河七年修安陸州渲馬灘決岸海鹽石

堤築泰興攔江堤三千九百餘丈且濬大港北淤河抵
縣南出大江四千五百餘丈八年修丹陽練湖塘汝陽
汝河堤岸南陵野塘圩蚌蕩壩松滋張家坑何家洲堤
岸平度州濰水浮糠河決口百十二堤堰八千餘丈吳
江石塘官路橋梁九年修安福丁陂等塘堰安仁饒家
陂壽光堤安陸京山景陵圩岸長樂官塘長洲至嘉興
石土塘橋路七十餘里泄水洞百三十一處監利車水
堤四千四百餘丈高安華陂屯陂堤仁和海寧海鹽土

石塘岸萬餘丈築沂州沭河口決岸并淪沭陽沭河築
直隸新城張村等口決堤仁和黃濠塘岸三百餘丈孫
家圍塘岸二十餘里濬濰縣干丹河定襄故渠六十三
里引濬沱水灌田六百餘頃疏福山官渠濬江陰青陽
河道鄒平白條溝河三十餘里麗水民言縣有通濟渠
截松陽遂昌諸溪水入焉上中下三源流四十八派溉
田二千餘頃上源民洩水自利下源流絕沙壅渠塞請
修堤堰如舊部議從之齊東知縣張昇言小清河洪水

衝決渰沒諸鹽場及青州田請濬上流修長堤使水行
故道皇太子遣官經理之鄆州民言洛水橫決而西衝
塌州城東北隅請濬故道循州東山麓南流從之十年
修浙江平陽捍潮堤岸黃梅臨江決岸百二十餘里海
門捍潮堤百三十里築新會圩岸二千餘丈獻縣饒陽
恭儉等岸安邱紅河決岸安州直亭等河決口八十九
華容安津等堤決口四十六濬上海蟠龍江維縣白浪
河北京行太僕卿楊砥言吳橋東光興濟交河及天津

等衛屯田雨水決堤傷稼德州良店驛東南二十五里有黃河故道與州南土河通穿渠置閘分殺水勢大為民便命侍郎蘭芳往理之十一年修蕪湖陶辛政和二圩保定文安二縣河口決岸五十四應天新河圩岸天長福勝戚家莊二塘滎澤大濱河堤濬崑山太平河十二年修鳳陽安豐塘水門十六座及牛角壩海州官河岸武陟郭村馬曲堤岸聊城龍灣河濮州紅船口范縣曹村河堤岸築三河決堤濬海州官河二百四十里解

州民言臨晉涑水河逆流決姚暹渠堰入砂地渰民田
將及鹽池尋又言硝池水溢決豁口入鹽池以涑水渠
姚暹渠併流故命官修築如其請十三年修興濟決岸
南京羽林右衛刁家圩屯田堤吳江縣丞李昇言蘇松
水患太湖為甚急宜洩其下流若常熟白茆諸港崑山
千墩等河長洲十八都港泖吳縣無錫近湖河道皆宜
循其故迹濬而深之仍修蔡涇等閘候潮來往以時啟
閉則泛濫可免而民獲耕種之利從之十五年修固安

孫家口及臨漳固塚堤岸十六年修魏縣決岸十七年
蕭山民言境內河渠四十五里溉田萬頃比年淤塞乞
疏濬仍置閘錢清小江壩東庶旱潦無憂山東新城民
言縣東鄭黃溝源出淄川下流壅沮霖潦妨農陳家莊
南有乾河上與溝接下通烏江乞濬治竝從之十八年
海寧諸縣民言潮沒海塘二千六百餘丈延及吳家等
壩通政岳福亦言仁和海寧壞長降等壩淪海千五百
餘丈東岸赭山巖門山蜀山舊有海道淤絕久故西岸

潮愈猛乞以軍民修築竝從之明年修海寧等縣塘岸

二十一年修嘉定抵松江潮圯圩岸五千餘丈交趾順

化衛決堤百餘丈文水民言文谷山常稔渠分引文谷

河流袤三十餘里灌田今河潰洩水從其奏葺治之二

十二年修臨海廣濟河閘洪熙元年修黃巖濱海閘壩

視永樂初增府判一員專其事修獻縣饒陽恭儉堤及

窰堤口宣德二年浙江歸安知縣華嵩言涇陽洪渠堰

溉五縣田八千四百餘頃洪武時長興侯耿炳文前後

修濬未久堰壞永樂間老人徐齡言于朝遣官修築會
營造不果乞專命大臣起軍夫協治從之三年修灌縣
都江等堰四十四臨海民言胡巉諸閘渚水灌田近年
閘壞而金鰲大浦湖涑舉嶼等河遂皆壅阻乞為開築
帝曰水利急務使民自訴于朝此守令不得人爾命工
部即飭郡縣秋收起工仍詔天下凡水利當興者有司
即舉行毋緩視巡按江西御史許勝言南昌瑞河兩岸
低窪多良田洪武間修築水不為患比年水溢岸圯二

十餘處豐城安沙繩灣圩岸三千六百餘丈永樂間水衝改修百三十餘丈近者久雨江漲堤壞乞敕有司募夫修理中書舍人陸伯倫言常熟七浦塘東西百里灌常熟崑山田歲租二十餘萬石乞聽民自濬之皆詔可四年修獻縣柳林口堤岸潛江民言蚌湖陽湖皆臨襄河水漲岸決害荊州三衛荊門江陵諸州縣官民屯田無算乞發軍民築治從之福清民言光賢里官民田百餘頃堤障海水堤壞久田盡荒永樂中嘗命修治迄今

未舉民不得耕帝責有司亟治而諭尚書吳中嚴飭郡
邑陂池堤堰及時修濬慢者治以罪五年巡撫侍郎成
均言海鹽去海二里石嵌土岸二千四百餘丈水齧其
石皆已剝敝議築新石于岸內而存其舊者以為外障
乞如洪武中令嘉嚴紹三府協夫舉工從之六年修瀏
陽廣濟諸縣堤堰豐城西北臨江石堤及西南七圩壩
石首臨江三堤濬餘姚舊河池巡撫侍郎周忱言溧水
永豐圩周圍八十餘里環以丹陽石臼諸湖舊築埂壩

通陟門石塔農甚利之今頽敗請葺治教諭唐敏言常
熟耿涇塘南接梅里通昆承湖北達大江洪武中濬以
溉田今壅阻請疏導竝從之七年修眉州新津通濟堰
堰水出彭山分十六渠溉田二萬五千餘畝河東鹽運
使言鹽池近地姚暹河流入五星湖轉黃流河兩岸窪
下比歲雨溢水漲衝至解州浪益急遂潰南岸沒民田
三十餘里鹽池護堤皆壞復因下流涑水河高壅淤逆
流姚暹以決乞起民夫疏濬從之蘇州知府況鍾言蘇

松嘉湖湖有六曰太湖龐山陽城沙湖昆承尚湖永樂
初夏原吉濬蕩今復淤乞遣大臣疏濬乃命周忱與鍾
治之是歲汾河驟溢敗太原堤鎮守都司李謙巡撫御
史徐傑以便宜修治然後馳奏帝嘉獎之八年葺湖廣
偏橋衛高陂石洞完縣南關舊河復和州銅城堰閘修
安陽廣惠等渠磁州滏陽河五爪濟民渠九年修江陵
枝河沿江堤岸築薊州決岸毀蘇松民私築堤堰十年
築海鹽潮決海塘千五百餘丈主事沈中言山陰西小

江上通金巖下接三江海口引諸暨浦江義烏諸湖水以通舟江口近淤宜築臨浦戚堰障諸湖水俾仍出小江詔部覆奪正統元年修吉安沿江堤築海陽登雲都雲步村等決堤濬陝西西安灞橋河二年築蠡縣王家等決口修新會鸞臺山至瓦塘浦顏岸江陵松滋公安石首潛江監利近江決堤又修湖廣老龍堤以為漢水所潰也三年疏泰興順德鄉三渠引湖溉田潞州永祿等溝渠二十八道通于漳河四年修容城杜村口堤設

正陽門外減水河并疏城內溝渠荊州民言城西江水
高城十餘丈霖潦壞堤水即灌城請先事修治寧夏巡
撫都御史金濂言鎮有五渠資以行溉今明沙州七星
漢伯石灰三渠久塞請用夫四萬疏濬溉蕪田千三百
餘頃竝從之五年修太湖堤海鹽海岸南京上中下新
河及濟川衛新江口防水堤鄒縣南宮諸堤築順天河
間及容城杜村口卽家口決堤塞海寧螭巖決堤口濬
鹽城伍祐新興二場運河初溧水有鎮曰廣通其西固

城湖入大江東則三塔堰河入太湖中間相距十五里
洪武中鑿以通舟縣地稍窪而湖納寧國廣德諸水遇
潦即溢乃築壩於鎮以禦之而堰水不能至壩下是歲
改築壩于葉家橋胭脂河者溧水入秦淮道也蘇松船
皆由以達沙石壅塞因并濬之山陽涇河壩上接漕河
下達鹽城舊置絞關以通舟歲久且敝又恐盜洩水利
遂築塞河口是歲從民請修壩并復絞關六年造宣武
門東城河南岸橋修江米巷玉河橋及堤并濬京城西

南河築豐城沙月諸河堤蕪湖陶辛圩新埂濬海寧官河及花塘河狹石橋塘河築瓦石堰二所疏南京江洲殺其水勢以便修築塌岸高郵知州韓簡言官河上下二閘皆圯河亦不通且子嬰溝塞減水陰洞閉致旱澇無所濟俱乞濬治詔部覆實以行七年修江西廣昌江岸蕭山長山浦海塘彭山通濟堰築南京浦子口大勝關堤九江及武昌臨江塌岸濬江陵荆門潛江淤沙三十餘里八年修蘭溪卸橋浦口堤弋陽官陂三所濬南

京城河九年修德州耿家灣等堤岸杞縣離溝堤築容
城杜村堤決口易上虞菱湖土壩為石閘挑無錫里谷
蘇塘華港上村李走馬塘諸河東南接蘇州苑山湖塘
北通楊子江西接新興河引水灌田濬杞縣牛墓岡舊
河武進太平永興二河疏海鹽永安河茶市院新涇陶
涇塘諸河都御史陳鑑言朝邑多沙鰮難耕縣治洛河
與渭水通請穿渠灌之新安民言城南長溝河西通徐
漕二水東連雄縣直沽沙土淤塞請發丁夫疏濬海陽

民蕭瑤言縣有長溪源出山麓流抵海口周袤潮郡故
登隆等都俱寘溝通漑惟隆津等都陸野絕水歲旱無
所賴乞開溝如登隆長樂民劉彥梁言嚴湖二十餘里
南接稠菴溪西通倒流溪可備旱溢又有張塘涵塘前
涵大塘涵陳塘港其利如嚴湖乞令有司疏濬廣濟民
言縣與鄰邑黃梅歲運糧三萬石于望牛墩小車盤剝
不堪其勞連城湖港廖家口有溝抵墩前淤淺不能行
船請與黃梅合力濬通以便水運竝從之十一年修洞

庭湖堤築登州河岸濬通州金沙場八里河以通運渠
任邱民言凌城港去縣二十五里內有定安橋河北十
八里通流東七里沙塞宜疏通與港相接入直沽張家
灣巡撫周忱言應天鎮江太平寧國諸府舊有石臼等
湖其中溝港歲辦魚課其外平圩淺灘聽民牧放孳畜
採掘菱藕不許種耕故山溪水漲有所宣洩近者富豪
等圩田遇湖水每遇泛溢害卽及民宜悉禁革竝從之
十二年疏平度州大灣口河道荊州公安門外河以便

公安石首諸縣輸納浙江聽選官王信言紹興東小江南通諸暨七十二湖西通錢塘江近為潮水湧塞江與田平舟不能行久雨水溢鄰田輒受其害乞發丁夫疏濬從之十三年築寧夏漢唐壩決口疏山西涑水河南海縣通海泉源鑿宣府城濠引城北山水入南城大河湖廣五開衛言衛與苗接山路峻險去衛三十里有水通靖州江亂石沙灘請疏以便輸運雲南鄧川州言本州民田與大理衛屯田接壤湖畔每歲雨水沙土壅淤

禾苗渰沒乞命州衛軍民疏治竝從之十四年濬南海
潘涌堤岸置水閘和州民言州有姚鎮河上通麻澧二
湖下接牛屯大河長七千里許廣八丈又有張家溝連
銅城閘通大江長減姚鎮之半廣如之灌溉降福等七
十餘圩及南京諸衛屯田近年河潰閘圯率皆淤塞請
興役疏濬仍于姚鎮豐山嘴葉公坡各建閘以備旱澇
從之景泰元年築丹陽甘露等壩二年修玉河東西堤
濬安定門東城河永嘉三十六都河常熟顧新塘南至

當湖北至揚子江三年修泰和信豐堤築延安綏德決
河綿州西分河通江堤岸濬常熟七浦塘劍州海子疏
孟瀆河浜涇十一工部言海鹽石塘十八里潮水衝決
浮土修築不能久詔別築石塘捍之四年濬江陰順塘
河十餘里東接永利倉大河西通夏港及揚子江雲南
總兵官沐璘言城東有水南流源發邵甸會九十九泉
為一抵松花壩分為二支一繞金馬山麓入滇池一從
黑窯村流至雲澤橋亦入滇池舊于下流築堰溉軍民

田數十萬頃霖潦無所洩請令受利之家自造石閘啟
閉以時報可五年疏靈寶黎園莊渠通鴻瀘澗溉田萬
頃六年濬華容杜預渠通運船入江避洞庭險修容城
白溝河杜村口固安楊家等口決堤七年尚書孫原貞
言杭州西湖舊有二閘近皆傾圯湖遂淤塞按宋蘇軾
云杭本江海故地水泉鹹苦自唐李泌引湖水入城為
六井然後井邑日富不可許人佃種周淙亦言西湖貴
深濶因招兵二百專一撈湖其後豪戶復請佃湖日益

填塞大旱水涸詔郡守趙興簷開濬芟荷芟蕩悉去杭
民以利此前代經理西湖大略也其後勢豪侵占無已
湖水淺狹閘石毀壞今民田無灌溉資官河亦澀阻乞
敕有司興濬禁侵占以利軍民從之天順二年修彭縣
萬工堰灌田千餘頃五年僉事李觀言涇水出涇陽仲
山谷道高陵至櫟陽入渭袤二百里漢開渠溉田宋元
俱設官主之今雖有勢口鄭白二渠而堤堰摧決溝洫
壅滯民弗蒙利乃命有司濬之八年永平民言漆河遠

城西南流入海城趾皆石故水不能決其餘則沙土易
潰前人于東北築土堤西南甃岸今歲久日塌宜作堤
于東流橫以激之使合西流庶無蕩析患都御史項忠
言涇陽之瓠口鄭白二渠引涇水溉田數萬頃至元猶
溉八千頃其後渠日淺利因以廢宣德初遣官修鑿畝
收四三石無何復塞渠旁之田遇旱為赤地涇陽醴泉
三原高陵皆患苦之昨請于涇水上源龍潭左側疏濬
訖舊渠口尋以詔例停止今宜畢其役西安城西井泉

鹹苦飲者輒病龍首渠引水七十里修築不易且利止
及城東西南皂河去城一舍許可鑿令引水與龍首渠
會則居民盡利邳州知州孟琳言榆行諸社俱臨沂河
久雨岸崩二十八處低田盡渰乞與修築竝從之成化
二年修壽州安豐塘四年疏石州城河六年修平湖周
家涇及獨山海塘七年潮決錢塘江岸及山陰會稽蕭
山上虞乍浦歷海二所錢清諸場命侍郎李顥修築八
年堤襄陽決岸十年廷臣會議江浦北城圩古溝北通

滁河浦子口城東黑水泉古溝南入大江二浦相望岡
隴中截宜鑿通成河旱引澇洩從之十一年濬杭州錢
塘門故渠左屬湧金門建橋閘以蓄湖水巡撫都御史
牟俸言山東小清河上接濟南趵突諸泉下通樂安沿
海高家港鹽場大清河上接東平坎河諸泉下通濱州
海豐利津沿海富國鹽場淤塞苦盤剝雨水又患渰沒
勸農參政唐瀛濬河造閘請令兼治水利詔可十二年
巡按御史許進言河西十五衛東起莊浪西抵肅州綿

亘幾二千里所資水利多奪于勢豪宜設官專理詔屯
田僉事兼之十四年俸言直隸蘇松與浙西各府頻年
旱澇緣周環太湖乃東南最窪地而蘇松尤最下之衝
故每逢積雨衆水奔潰湖泖漲漫渰沒無際按太湖卽
古震澤上納嘉湖宣歙諸州之水下通婁東吳淞三江
之流東江今不復見婁淞入海故跡具存其地勢與常
熟福山白茆二塘俱能導太湖入江海使民無墊溺而
土可耕種歷代開濬具有成法本朝亦常命官修治不

得其要而濱湖豪家盡將淤灘裁蒔為利治水官不悉利害率于泄處置石梁壅土為道或慮盜船往來則釘木為柵以致水道堙塞公私交病請擇大臣深知水利者專理之設提督水利分司一員隨時修理則水勢疏通東南厚利也帝即令倖兼領水利聽所濬築功成乃專設分司十五年修南京內外河道十八年濬雲南東西二溝自松華壩黑龍潭抵西南柳壩南村灌田數萬頃修居庸關水閘城券及隘口水門四十九樓舖墩臺

百二二十年修嘉興等六府海田堤岸特選京堂官往督之二十二年濬南京中下二新河弘治三年從巡撫都御史邱鼐言設官專領灌縣都江堰六年敕撫民參政朱瑄濬河南伊洛彰德高平萬金懷慶廣濟南陽召公等渠汝寧桃陂等堰七年濬南京天潮二河備軍衛屯田水利七月命侍郎徐貫與都御史何鑑經理浙西水利明年四月告成貫初奉命奏以主事祝萃自隨萃乘小舟究悉源委貫乃令蘇州通判張旻疏各河港水

緒之大壩旋開白茆港沙面乘潮退決大壩水衝激之

沙泥刷盡潮水蕩激日益濶深水達海無阻又令浙江

參政周季麟修嘉興舊堤三十餘里易之以石增繕湖

州長興堤岸七十餘里貫乃上言東南財賦所出而水

患為多永樂初命夏原吉疏濬時以吳淞江濫沙浮蕩

未克施工迨今九十餘年港浦愈塞臣督官行視濬吳

江長橋導太湖散入澱山陽城昆承等湖泖復開吳淞

江竝大石趙屯等浦洩澱山湖水由吳淞江以達于海

開白茆港白魚洪鮎魚口洩昆承湖水由白茆港以注
于江開斜堰七鋪鹽鐵等塘洩陽城湖水由七了港以
達于海下流疏通不復壅塞乃開湖州之淞涇洩西湖
天目安吉諸山之水自西南入于太湖開常州之百瀆
洩溧陽鎮江練湖之水自西南入于太湖又開諸陡門
洩漕河之水由江陰以入于大江上流亦通不復堙滯
是役也修濬河港涇瀆湖塘陡門堤岸百十五道役夫
二十餘萬祝萃之功多焉巡撫都御史王珣言寧夏古

渠三道東漢中唐竝通惟西一渠傍山長三百餘里廣
二十餘丈兩岸危峻漢唐舊跡俱堙宜發卒濬鑿引水
下流即以土築東岸營建堡屯兵以遏寇衝請帑銀三
萬兩并靈州六年鹽課以給其費又請于靈州金積山
河口開渠灌田給軍民佃種竝從之十八年修築常熟
塘壩自尚湖口抵江及黃泗等浦新莊等沙三十餘處
濬杭州西湖正德七年修廣平滄陽河口堤岸十四年
濬南京新江口右河十五年御史成英言應天等衛屯

田在江北滁和六合者地勢低屢為水敗從金城港抵
濁河達烏江三十餘里因舊跡濬之則水勢洩而屯田
利詔可嘉靖元年築濬東鹿肥鄉獻魏堤渠初蘇松水
道盡為勢家所據巡撫李充嗣畫水為井地示開鑿法
戶占一區計工刻日造濬川爬用巨筏數百曳木齒隨
潮進退擊汰泥沙置小艇百餘尾鐵帚以導之濬故道
穿新渠巨浦支流罔不灌注帝嘉其勞賚以銀幣二年
修德勝門東朝陽門北城垣河道築儀真江都官塘五

區十年工部郎中陸時雍言良鄉盧溝河涿州琉璃胡
良二河新城雄縣白溝河河間沙河青縣滹沱河下流
皆淤宜以時濬使達于海詔巡撫議之十一年太僕卿
何棟勘畿封河患有二一論滹沱河其一言真定鴨沙
磁三河俱發源五臺會諸支水抵唐河藺家圈合流入
河間東南經任邱霸州天津入海此故道也河間東南
高東北下故水決藺家口而肅寧新安皆罹其害宜築
決口濬故道涿州胡良河自拒馬分流至州東入渾河

良鄉琉璃河發源磁家務潛入地中至良鄉東入渾河
比者渾河壅塞二河不流然下流淤沙僅四五里請亟
濬之部覆允行郎中徐元祉受命振災上言河本以洩
水今反下壅淀本以瀦水今反上溢故畿輔常苦水順
天利害相半真寔利多於害保定害多於利河間全受
其害弘正間嘗築長堤排決口旋即潰敗今惟疏濬可
施其策凡六一濬本河俾河身寬濶九河自山西來者
南合潯沱而不侵真定諸郡北合白溝而不侵保定諸

郡此第一義也一濬支河令九河之流經大清河從紫
城口入經文都村從湮槃口入經白洋淀從藺家口入
經章哥窪從楊村河入直遂以納細流水力分矣一濬
決河九河安流時本支二河可受遇漲則岸口四衝宜
每衝量存一口復濬令合成一渠以殺湍急淫溢一
濬淀河令淀淀相通達于本支二河使下有所洩一濬
淤河九河東逝悉由故道高者下下者通占據曲防者
抵罪一濬下河九河一出青縣一出丁字沽二流相匝

于苑家口故施工必自苑家口始漸有成效然後次第
舉行庶減諸郡水害帝嘉納之明年香河郭家莊自開
新河一道長百七十丈濶五十丈近舊河十里餘詔河
官亟繕治十三年巡撫都御史周金言藺家圈決口塞
之則水溢病河間不塞則東流漸淤病保定宜存決口
而濬廣新河使水東北平流無壅涸患從之二十四年
濬南京後湖初胡體乾按吳以松江泛溢進六策曰開
川曰濬湖曰殺上流之勢曰決下流之壑曰排潮漲之

沙曰立治田之規是年呂光洵按吳復奏蘇松水利五
事一曰廣疏濬以備儲洩三吳澤國西南受太湖諸澤
水勢尤卑東北濟海岡隴之地視西南特高高苦旱卑
苦澇昔人于下流疏為塘浦導諸湖水北入江東入海
又引江潮流行于岡隴外瀦洩有法水旱無患比來縱
浦橫塘多堙不治惟黃浦劉河二江頗通然太湖之水
源多勢盛二江不足以洩之岡隴支河又多壅絕無以
資灌漑于是高下俱病歲常告災宜先度要害于澱山

等菱蘆地導太湖水散入陽城昆承三泖等湖又開吳
淞江及大石趙屯等浦洩淀山之水以達于海濬白茆
鮎魚諸口洩昆承之水以注于江開七浦鹽鐵等塘洩
陽城之水以達于江又導田間之水悉入小浦以納大
浦使流者皆有所歸潴者皆有所洩則下流之地治而
潞無所憂矣乃濬艾祁通波以溉青浦濬故浦吳塘以
溉嘉定濬大瓦等浦以溉崑山之東濬許浦等塘以溉
常熟之北濬臧村等港以溉金壇濬溧港等河以溉武

進凡隴岡支河堙塞不治者皆濬之深廣使復其舊則
上流之地亦治而旱無所憂矣此三吳水利之經也一
曰修圩岸以固橫流蘇松常鎮東南下流而蘇松又常
鎮下流易淤難洩雖導河濬浦引注江海而秋霖泛漲
風濤相薄則河浦之水逆行田間衝齧為患宋轉運使
王純臣嘗令蘇湖作田塍禦水民甚便之司農丞郊宣
亦云治河以治田為本故老皆云前二三十年民間足
食因餘力治圩岸田益完美近皆空乏無暇修繕故田

圩漸壞歲多水灾合敕所在官司專治圩岸岸高則田自固雖有霖滂不能為害且足制諸湖之水咸歸河浦中則不待決洩自然湍流而岡隴之地亦因江水稍高又得畝引以資灌溉不特利于低田而已一曰復板閘以防淤澱河浦之水皆自平原流入江海水慢潮急以故沙隨浪湧其勢易淤昔人權其便宜去江海十里許夾流為閘隨潮啟閉以禦淤沙歲旱則長閉以蓄其流歲澇則長啟以宣其溢所謂置閘有三利益謂此也近

多堙塞惟常熟福山閘尚存故老以為河浦入海之地
誠皆置閘自可歷久不壅一曰量緩急以處工費一曰
重委任以責成功詔悉如議光洵因請專委巡撫歐陽
必進從之二十六年給事中陳斐請仿江南水田法開
江北溝洫以祛水患益歲收報可三十八年總督尚書
楊博請開宣大荒田水利從之巡撫都御史翁大立言
東吳水利自震澤濬源以注江三江集流以入海而蘇
州三十六浦松江八匯毘陵十四瀆共以節宣旱澇近

因倭寇衝突汊港之交率多釘柵築堤以為捍禦因致
水流停滯淤滓日積渠道之間仰高成阜且具區湖渚
竝水而居者雜蒔菱蘆積泥成蕩民間又多自起圩岸
上流日微水勢日殺黃浦婁江之水又為舟師所居下
流亦淤海潮無力水利難興民田漸磽宜于吳淞白茆
七浦等處造成石閘啟閉以時挑鎮江常州漕河深廣
使輸輓無阻公私之利也詔可四十二年給事中張憲
臣言蘇松常嘉湖五郡水患疊見請濬支河通潮水築

圩岸禦湍流其白茆港劉家河七浦楊林及凡河渠河
蕩壅淤沮洳者悉宜疏導帝以江南久苦倭患民不宜
重勞令酌濬支河而已四十五年參政凌雲翼請專設
御史督蘇松水利詔巡鹽御史兼之隆慶三年開湖廣
竹筍河以洩漢江巡撫都御史海瑞疏吳淞江下流上
海淤地萬四千丈有奇江面舊三十丈增開十五丈自
黃渡至宋家橋長八十里明年春瑞言三吳入海之道
南止吳淞北止白茆中止劉河劉河通達無滯吳淞方

在挑疏土人請開白茆計濬五千餘丈役夫百六十四萬餘又言吳淞役垂竣惟東西二壩未開父老皆言崑山夏駕口吳江長橋長洲寶帶橋吳縣胥口及凡可通流下吳淞者逐一挑畢方可開壩竝從之是年築海鹽海塘越四年從巡撫侍郎徐栻議復開海鹽秦駐山南至澈浦舊河萬厯二年築荊州采穴承天泗港謝家灣諸決堤口復築荊岳等府及松滋諸縣老垸堤四年巡撫都御史宋儀望言三吳水勢東南自嘉秀沿海而北

皆趨松江循黃浦入海西北自常鎮沿江而東皆趨江
陰常熟其中太湖潴蓄匯為巨浸流注龐山瀆墅澱山
一泖陽城諸湖乃開浦引湖北經常熟七浦白茆諸港
入于江東北經崑山太倉穿劉家河東南通吳淞江黃
浦各入于海諸水聯絡四面環護中如仰孟杭嘉湖常
鎮勢繞四隅蘇州居中松江為諸水所受最居下乞專
設水利僉事以裨國計部議遣御史董之六年巡撫都
御史胡執禮請先濬吳淞江長橋黃浦先是巡按御史

林應訓言蘇松水利在開吳淞江中段以通入海之勢太湖入海其道有三東北由劉河即古婁江故道東南由大黃浦即古東江遺意其中為吳淞江經崑山嘉定青浦上海乃太湖正脈今劉河黃浦皆通而中江獨塞者蓋江流與海潮遇海潮渾濁賴江水迅滌之劉河獨受巴陽諸湖又有新洋江夏駕浦從旁以注大黃浦總會杭嘉之水又有澱山泖蕩從上而灌是以流皆清駛足以敵潮不能淤也惟吳淞江源出長橋石塘下經龐

山九里二湖而入今長橋石塘已堙龐山九里復為灘
漲其來已微又有新洋江夏駕浦掣其水以入劉河勢
乃益弱不能勝海潮洶湧之勢而滌濁渾之流日積月
累淤塞僅留一綫水失故道時致淫濫支河小港亦復
壅滯舊熟之田半成荒畝前都御史海瑞力破羣議挑
自上海江口宋家橋至嘉定艾祁八十里幸尚通流自
艾祁至崑山慢水港六十餘里則俱漲灘急宜開濬計
淺九千五百餘丈濶二十丈此江一開太湖直入于海

濱江諸渠得以引流灌田青浦積荒之區俱可開墾成熟矣竝從之至是工成應訓又言吳江縣湖居太湖正東湖水由此下吳淞達海宋時運道所經畏風阻險乃建長橋石塘以通牽挽長橋百三十丈為洞六十有二石塘小則有竇大則有橋內外浦涇縱橫貫穿皆為洩水計也石塘涇竇半淤長橋內外俱圯僅一二洞門通水若不疏濬雖開吳淞下流終無益也宜開龐山湖口由長橋抵吳家港則湖有所洩江有所歸源盛流長為

利大矣松江大黃浦西南受杭嘉之水西北受澱泖諸
蕩之水總會于浦而秀州塘山涇港諸處實黃浦來源
也澱山湖入黃浦道漸多淤淺宜為疏濬而自黃浦橫
澇洙涇經秀州塘入南泖至山涇港等處百四十餘丈
待濬尤急他如蘇之茜涇楊林白茆七浦諸港松之蒲
匯官紹諸塘常鎮之澡港九曲諸河併宜設法開導次
第修舉八年又言蘇松諸郡幹河支港凡數百大則洩
水入海次則通湖達江小則引流灌田今吳淞江白茆

塘秀州塘蒲匯塘孟瀆河舜河青陽港俱已告成支河
數十宜盡開濬俱從其請久之用儀望議特設蘇松水
利副使以許應達領之乃濬吳淞八十餘里築塘九十
餘處開新河百二十三道濬內河百三十九道築上海
李家洪老鴉嘴海岸十八里發帑金二十萬應達以其
半訖工三十七八年間靈雨浸溢水患日熾越數年給
事中歸子顧言宋時吳淞江濶九里元末淤塞正統間
周忱立表江心疏而濬之崔恭徐貫李充嗣海瑞相繼

濬者凡五迄今四十餘年廢而不講宜使江濶水駛塘浦支河分流四達疏入留中巡按御史薛貞復請行之下部議而未行至天啟中巡撫都御史周起元復請濬吳淞白茆崇禎初員外郎蔡懋德巡撫都御史李待問皆以為請久之巡撫都御史張國維請疏吳江長橋七十二碇及九里石塘諸洞御史李謨復請濬吳淞白茆俱下部議未能行也十年增築雄縣橫堤八里禦漚沱暴漲十三年以尚寶少卿徐貞明兼御史領墾田使貞

明為給事中嘗請興西北水利如南人圩田之制引水成田工部覆議畿輔諸郡邑以上流十五河之水洩于貓兒一灣海口又極東隘故所在橫流必多開支河挑濬海口而後水勢可平疏濬可施然後大費繁而今以民勞財匱方務省事請罷其議乃已後貞明謫官著潞水客譚一書論水利當興者十四條時巡撫張國彥副使顧養謙方開水利于薊永有效于是給事中王敬民薦貞明特召還賜敕勘水利貞明乃先治京東州邑如

密雲燕樂莊平谷水峪寺龍家務莊三河塘會莊順慶
屯地薊州城北黃厓營城西白馬泉鎮國莊城東馬伸
橋夾林河而下別山舖夾陰流河而下至于陰流遵化
平安城夾運河而下沙河舖西城南鐵廠湧珠湖以下
韭菜溝上素河下素河百餘里豐潤之南則大寨刺榆
坨史家河大王莊東則榛子鎮西則鴉紅橋夾河五十
餘里玉田青莊塢後湖莊三里屯及大泉小泉至于瀕
海之地自水道沽關黑巖子墩至開平衛南宋家營東

西百餘里南北百八十里墾田三萬九千餘畝至真定
將治滹沱近墾地御史王之棟言滹沱非人力可治徒
耗財擾民帝入其言欲罪諸建議者申時行言墾田興
利謂之害民議甚舛顧為此說者其故有二北方民游
惰好閑憚于力作水田有耕耨之勞胼胝之苦不便一
也貴勢有力家侵占甚多不待耕作坐收蘆葦薪芻之
利若開墾成田歸于業戶隸于有司則已利盡失不便
二也然以國家大計校之不便者小而便者大惟在斟酌

酌地勢體察人情沙鹺不必盡開黍麥無煩改作應用

夫役必官募之不拂民情不失地利乃謀國長策耳于

是貞明得無罪而水田事終罷巡撫都御史梁問孟策

橫城堡邊牆慮寧夏有黃河患請堤西至河障水東流

從之十九年尚寶丞周宏禴言寧夏河東有漢秦二壩

請依河西漢唐壩築以石于渠外疏大渠一道北達鴛

鴦諸湖詔可二十三年黃淮漲溢淮揚昏墊議者多請

開高家堰以分淮寶應知縣陳燧為御史慮高堰既開

害民產鹽田請自興鹽迤東疏白塗河石碓口廖家港
為數河分門出海然後從下而上濬清水子嬰二溝且
多開瓜儀閘口以洩水給事中祝世祿亦言議者欲放
淮從廣陽射陽二湖入海廣陽濶僅八里射陽僅二十
五丈名為湖實河也且離海三百里迂迴淺窄高寶七
州縣水惟此一線宣洩之又使淮注焉田廬鹽場必無
幸矣廣陽湖東有大湖方廣六十里湖北口有舊官河
自官蕩至鹽城石碓口通海僅五十三里此導淮入海

一便也下部及河漕官議俱格不行旣而總河尚書楊一魁言黃水倒灌正以海口為阻分黃工就則石碇口廖家港白駒場海口金灣芒稻諸河急宜開刷乃命如議行之三十年保定巡撫都御史汪應蛟言易水可溉金臺滹水可溉恒山澹水可溉中山滏水可溉襄國漳水可溉鄴下而瀛海當衆河下流故號河中視江南澤國不異至于山下之泉地中之水所在皆有宜各設壩建閘通渠築堤高者自灌下則車汲用南方水田法六

郡之內得水田數萬頃畿民從此饒永無旱澇之患不
幸濱河有梗亦可改折于南取糴于北此國家無窮利
也報可應蛟乃于天津葛沽何家園雙溝白塘令防海
軍丁屯種人授田四畝共種五千餘畝水稻二千畝收
多因上言墾地七千頃歲可得穀二百餘萬石此行之
而效者也是年真定知府郭勉濬大鳴小鳴泉四十餘
穴溉田千頃邢臺達活野狐二泉流為牛尾河百泉流
為澧河建二十一閘二堤灌田五百餘頃天啟元年御

史左光斗用應蛟策復天津屯田令通判盧觀象管理
屯田水利明年巡按御史張慎言言自枝河而西靜海
興濟之間萬頃沃壤河之東尚有鹽水沽等處為膏腴
之田惜皆蕪廢今觀象開寇家口以南田三千餘畝溝
洫蘆塘之法種植疏濬之方皆具而有法人何憚而不
為大抵開種之法有五一官種謂牛種器具耕作雇募
皆出于官而官亦盡收其田之入也一佃種謂民願墾
而無力其牛種器具仰給于官待納稼之時官寸而取

其四也一民種佃之有力者自認開墾若干迨開荒既熟較數歲之中以為常十一而取是也一軍種即令海防營軍種葛沽之田人耕四畝收二石緣有行月糧故收租重也一屯種祖宗衛軍有屯田或五十畝或百畝軍為屯種者歲入十七于官即以所入為官軍歲支之用國初兵農之善制也四法已行惟屯種則今日兵與軍分而屯僅存其名當選各衛之屯餘墾津門之沃土如官種法行之章下所司命太僕卿董應舉管天津至

山海屯田規畫數年開田十八萬畝積穀無算崇禎二年兵部侍郎申用懋言永平灤河諸水逶迤寬衍可疏渠以防旱潦山坡隙地便栽種宜令有司相地察源為民興利從之

明史卷八十八

欽定四庫全書薈要卷六千六百八十二 史部

明史卷八十九

大學士張廷玉等奉 敕修

志第六十五

兵一

明以武功定天下革元舊制自京師達於郡縣皆立衛所外統之都司內統於五軍都督府而上十二衛為天子親軍者不與焉征伐則命將充總兵官調衛所軍領

之既旋則將上所佩印官軍各回衛所蓋得唐府兵遺
意文皇北遷一遵太祖之制然內臣觀兵履霜伊始洪
宣以後狃於治平故未久而遂有土木之難于謙創立
團營簡精銳一號令兵將相習其法頗善憲孝武世四
朝營制屢更而威益不振衛所之兵疲於番上京師之
旅困於占役馴至未造尺籍久虛行伍衰耗流盜鋒起
海內土崩官豎降於關門禁軍潰於城下而國遂以亡
矣今取其一代規制之詳及有關於軍政者著於篇

京營

侍衛上直軍

皇城守衛
京城巡捕

四衛營

京軍三大營一曰五軍一曰三千一曰神機其制皆備於永樂時初太祖建統軍元帥府統諸路武勇尋改大都督府以兄子文正為大都督節制中外諸軍京城內外置大小二場分教四十八衛卒已又分前後中左右五軍都督府洪武四年士卒之數二十萬七千八百有奇成祖增京衛為七十二又分步騎軍為中軍左右掖

左右哨亦謂之五軍歲調中都山東河南大寧兵番上
京師隸之設提督內臣一武臣二掌號頭官二大營坐
營官一把總二中營坐營官一馬步隊把總各一左右
掖哨官如之又有十二營掌隨駕馬隊官軍設把總二
又有圍子手營掌操練上直义刀手及京衛步隊官軍
設坐營官一統四司以一二三四為號把總各二又有
幼官舍人營掌操練京衛幼官及應襲舍人坐營官一
四司把總各一此五軍營之部分也已得邊外降丁三

千立營分五司一掌執大駕龍旗寶纛勇字旗負御寶
及兵仗局什物上直官軍一掌執左右二十隊勇字旗
大駕旗纛金鼓上直官軍一掌傳令營旗牌御用監監
甲尚冠尚衣尚履什物上直官軍一掌執大駕勇字旗
五軍紅盔貼直軍上直官軍一掌殺虎手馬轎及前哨
馬營上直明甲官軍隨侍營隨侍東宮官舍遼東備禦
回還官軍提督內臣二武臣二掌號頭官二坐司官五
見操把總三十四上直把總十六明甲把總四此三千

營之部分也已征交趾得火器法立營肄習提督內臣
武臣掌號頭官皆視三千營亦分為五軍中軍坐營內
臣一武臣一其下四司各監鎗內臣一把司官一把總
官二左右掖哨皆如之又因得都督譚廣馬五千匹置
營名五千下掌操演火器及隨駕護衛馬隊官軍坐營
內臣武臣各一其下四司各把司官二此神機營之分
部也居常五軍肄營陣三千肆巡哨神機肆火器大駕
征行則大營居中五軍分駐步內騎外騎外為神機神

機外為長圍周二十里樵採其中三大營之制如此洪
熙時始命武臣一人總理營政宣德五年以成國公朱
勇言選京衛卒隸五軍訓練明年命科道及錦衣官覈
諸衛軍數帝之征高煦及破烏蘭哈皆以京營取勝焉
正統二年復因勇言令錦衣等衛守陵衛卒存其半其
上直旗校隸錦衣督操餘悉歸三大營土木之難京軍
沒幾盡景帝用于謙為兵部尚書謙以三大營各為教
令臨期調撥兵將不相習乃請於諸營選勝兵十萬分

十營團練每營都督一號頭官一都指揮二把總十領
隊一百管隊二百於三營提督中推一人充總兵官監
以內臣兵部尚書或都御史一人為提督其餘軍歸本
營曰老家京軍之制一變英宗復辟譙死團營罷憲宗
立復之增為十二成化二年復罷命分一等次等訓練
尋選得一等軍十四萬有奇帝以數多令仍分十二營
團練而區其名有奮耀練顯四武營敢果効鼓四勇營
立伸揚振四威營命侯十二人掌之各佐以都指揮監

以內臣提督以勲臣名其軍曰選鋒不任者仍為老家以供役而團營之法又稍變二十年立殫忠効義二營練京衛舍人餘丁二營永樂間設後廢至是復設未幾以無益罷帝在位久京營特注意然缺伍至七萬五千有奇大率為權貴所隱占又用汪直總督團營禁旅專掌於內臣自帝始也孝宗即位乃命都御史馬文升為提督是時營軍久苦工役成化末余子俊嘗言之文升復力陳不可又請於每營選馬步銳卒二千遇警徵調

且遵洪永故事五日一操以二日走陣下營以三日演武從之時尚書劉大夏陳弊端十事復奏減修乾清宮卒內臣謂其不恤大工大學士劉健曰愛惜軍士司馬職也帝納之會戶部主事劉夢陽極論役軍之害并及內臣主兵者以語侵壽寧侯下詔獄遂格不行武宗即位十二營銳卒僅六萬五百餘人稍弱者二萬五千而已給事中葛嵩請選五軍三千營精銳歸團練而存八萬餘人於營以供役惠安伯張偉謬引舊制以爭事遂

已隱占如故寘鐫反太監張永將京軍往討中官權益重及流寇起邊將江彬等得幸請調邊軍入衛於是集九邊突騎家丁數萬人於京師名曰外四家立兩官廳選團營及勇士四衛軍於西官廳操練正德元年所選官軍操於東官廳自是兩官廳軍為選鋒而十二團營且為老家矣武宗崩大臣用遺命罷之當是時工作浩繁邊將用事京營戎政益大壞給事中王良佐奉敕選軍按籍三十八萬有奇而存者不及十四萬中選者僅

二萬餘世宗立久之從廷臣言設文臣知兵者一人領
京營是時額兵十萬七千餘人而存者僅半專理京營
兵部尚書李承勛請足十二萬之數部議遵弘治中例
老者補以壯丁逃故者清軍官依期解補從之十五年
都御史王廷相提督團營條上三弊一軍士多雜派工
作終歲不得入操雖名團營聽征實與田夫無異二軍
士替代吏胥需索重賄貧軍不能辦老羸苟且應役而
精壯子弟不得收練三富軍憚營操征調率賄將弁置

老家數中貧者雖老疲亦常操練語頗切中既而兩郊
九廟諸宮殿之工起役軍益多兵部請分番為二半團
操半放歸而收其月廩雇役詔行一年自後邊警急團
營見兵少僅選騎卒三萬仍號東西官廳餘者悉老弱
仍為營帥中官私役二十九年諳達內侵兵部尚書丁
汝夔覈營伍不及五六萬人驅出城門皆流涕不敢前
諸將領亦相顧變色汝夔坐誅大學士嚴嵩乃請振刷
以圖善後吏部侍郎王邦瑞攝兵部因言國初京營勁

旅不減七八十萬元戎宿將常不乏人自三大營變為十二團營又變為兩官廳雖浸不如初然額軍尚三十萬有奇今武備積弛見籍止十四萬餘而操練者不過五六萬支糧則有調遣則無比敵騎深入戰守俱稱無軍即見在兵率老弱疲憊市井游販之徒衣甲器械取給臨時此其弊不在逃亡而在占役不在軍士而在將領蓋提督坐營號頭把總諸官多世胄紈袴平時占役營軍以空名支餉臨操則肆集市人呼舞博笑而已

先年尚書王瓊毛伯溫劉天和常有意振飭然將領惡其害已陰謀阻撓軍士又習於驕惰競倡流言事復中止釀害至今乞大振乾綱遣官精核帝是其言命兵部議興革於是悉罷團營兩官廳復三大營舊制更三千曰神樞罷提督監鎗等內臣設武臣一曰總督京營戎政以咸寧侯仇鸞為之文臣一曰協理京營戎政即以邦瑞充之其下設副叅等官二十六員已又從部議以四武營歸五軍營中軍四勇營歸左右哨四威營歸左

右掖各設坐營官一員為正兵備城守參將二員備征討帝以營制新定告於太廟行之又遣四御史募兵畿輔山東山西河南得四萬人分隸神樞神機各設副將一而增能戰將六員分領操練大將所統三營之兵居常名曰練勇有事更定職名五軍營大將一員統軍一萬總主三營副參游擊佐擊及坐營等官副將二員各統軍七千左右前後參將四員各六千游擊四員各三千外備兵六萬六千六百六十人神樞營副將二員各

統軍六千佐擊六員各三千外備兵四萬人神機營亦如之已又定三大營官數五軍營一百九十六員神樞營二百八員神機營一百八十二員共五百八十六員在京各衛軍俱分隸三營分之為三十三營合之為三大營終帝世其制屢更最後中軍哨掖之名亦罷但稱戰守兵兼立車營故事五軍府皆開府給印主兵籍而不與營操營操官不給印戎政之有府與印自仇鸞始鸞方貴幸言於帝選各邊兵六萬八千人分番入衛與

京軍雜練復令京營將領分練邊兵於是邊軍盡隸京師寨上有警邊將不得徵集邊事益壞驚死乃罷其所置戎政廳首領官之屬而入衛軍則惟罷甘肅者隆慶四年大學士趙貞吉請收將權更營制極言戎政之設府鑄印以數十萬衆統於一人非太祖成祖分府分營本意請以官軍九萬分五營營擇一將分統訓練詔下廷臣議尚書霍冀言營制世宗熟慮而從定不宜更惟大將不當專設戎政不宜有印請如貞吉言制曰可於

是三大營各設總兵一副將二其參佐等官互有增損
各均為十人而五軍營兵均配二營營十枝屬二副將
分統以侯伯充總兵尋改曰提督又用三文臣亦稱提
督自設六提督後各持意見遇事旬月不決給事中溫
純言其弊乃罷仍設總督協理二臣萬曆二年從給事
中歐陽栢請復給戎政印汰坐營官二員五年巡視京
營科臣林景暘請廣召募立選鋒是時張居正當國綜
覈名實羣臣多條上兵事大旨足兵選將營務頗飭

久之帝厭政廷臣漸爭門戶習於偷惰遂日廢弛三十
六年尚書李化龍理戎政條上京營積弊敕下部議卒
無所振作及兵事起總督京營趙世新請改設教場城
內便演習太常少卿胡來朝請調京軍戍邊可變弱為
強皆無濟於用天啓三年協理侍郎朱光祚奏革老家
軍補以少壯老家怨以瓦礫投光祚遂不果革是時魏
忠賢用事立內操又增內臣為監視及把牌謂小內監
益募健丁諸營軍多附之莊烈帝即位撤內臣已而復

用戎政侍郎李邦華憤京營弊壞請汰老弱虛冒而擇材力者為天子親軍營卒素驕有疑其為變者勲戚中官亦惡邦華害己蜚語日聞帝為罷邦華代以陸完學盡更其法京營自監督外總理捕務者二員提督禁門巡視點軍者三員帝皆以御馬監司禮文書房內臣為之於是營務盡領於中官矣十年八月車駕閱城鎧甲旌旗甚盛羣臣悉鸞帶策馬從六軍望見乘輿皆呼萬歲帝大悅召完學入御幄獎勞酌以金卮然徒為容觀

而已時兵事益亟帝命京軍出防勦皆監以中官廩給
優渥挾勢而驕多奪人俘獲以為功輕折辱諸將士將
士益解體周延儒再入閣勸罷內操撤諸監軍京兵班
師還時營將率內臣私人不知兵兵惟注名支糧買替
紛紜朝甲暮乙雖有尺籍莫得而識也帝屢旨訓練然
日不過二三百人未昏遂散營兵十萬倖抽驗不及玩
愒佚罰者無算帝嘗問戎政侍郎王家彥家彥曰今日
惟嚴買替之禁改操練之法庶可救萬一然勢已晚帝

不懌而罷十六年襄城伯李國禎總戎政內臣王承恩
監督京營明年流賊入居庸關至沙河京軍出禦聞礮
聲潰而歸賊長驅犯闕守陴者僅內操之三千人京師
遂陷大率京軍積弱由於占役買閒其弊實起於統袴
之營帥監視之中官竟以亡國云京營之在南者永樂
北遷始命中府掌府事官守備南京節制在南諸衛所
洪熙初以內臣同守備宣德末設參贊機務官景泰間
增協同守備官成化末命南京兵部尚書參贊機務視

五部特重先是京師立神機營南京亦增設與大小二教場同練軍士常操不息風雨方免有逃籍者憲宗命南給事御史時至二場點閱成國公朱儀及太監安寧不便詭言軍機密務御史詰問名數非宜帝為罪御史仍令守備參贊官閱視著為令嘉靖中言者數奏南營耗亡之弊二十四年冬詔立振武營簡諸營銳卒充之益以淮揚趨捷者江北舊有池河營專城守護陵寢二營兵各三千領以勲臣別設場訓練然振武營卒多無

賴子督儲侍郎黃懋官抑削之遂譴毆懋官至死詔誅
首惡以戶部尚書江東為參贊東多所寬假衆益驕無
復法紀給事中魏元吉以為言因舉浙直副總兵劉顯
往提督未至池河兵再變毆千戶吳欽詔顯亟往許以
川兵五百自隨事始定隆慶改元罷振武營以其卒千
餘仍隸二場及神機營萬厯十一年參贊尚書潘季馴
言操軍原額十有二萬今僅二萬餘祖軍與選充參半
選充例不補營伍由是虛請如祖軍收補已而王璘代

季馴言大小二場新舊官軍二萬三千有餘請如北京各邊三千一百二十人為一枝每枝分中左右哨得兵七枝餘置旗鼓下備各營缺從之巡視科臣阮子孝極論南營耗弊言頗切中然卒無振飭之者已從尚書吳文華請增參贊旗牌得以軍法從事兼聽便宜調遣三十一年添設南中軍標營選大教場卒千餘設中軍參將統練規制雖具而時徂苟安闌茸一如北京及崇禎中流寇陷廬鳳踞上流有窺留都意南中將士日夜惴

惴以護陵寢守京城為名倖賊不東下而已最後史可法為參贊尚書思振積弊未久而失蓋無可言焉

侍衛上直軍之制太祖即吳王位其年十二月設拱衛司領校尉隸都督府洪武二年改親軍都尉府統中左右前後五衛軍而儀鑾司隸焉五年造守衛金牌銅塗金為之長一尺濶三寸以仁義禮智信為號二面俱篆文一曰守備一曰隨駕掌於尚寶司衛士佩以上直下直納之十五年罷府及司置錦衣衛所屬有南北鎮撫

司十四所所隸有將軍力士校尉掌直駕侍衛巡察緝捕已又擇公侯伯都督指揮之嫡次子置勲衛散騎舍人而府軍前衛及旗手等十二衛各有帶刀官錦衣所隸將軍初名天武後改稱大漢將軍凡千五百人設千百戶總旗七員其衆自為一軍下直操練如制缺至五十人方補月糈二石積勞試補千百戶亡者許以親子弟魁梧材勇者代無則選民戶充之永樂中置五軍三千營增紅盔明甲二將軍及叉刀圍子手之屬備宿衛

校尉力士僉民間丁壯無惡疾過犯者力士先隸旗手
衛後改隸錦衣及騰驤四衛專領隨駕金鼓旗幟及守
衛四門校尉原隸儀鑾司司改錦衣衛仍隸焉掌擎執
鹵簿儀仗曰鑾輿曰擎蓋曰扇手曰旌節曰幡幢曰班
劍曰斧鉞曰戈戟曰弓矢曰馴馬凡十司及駕前宣召
差遣三日一更直設總旗小旗而領以勲戚官官凡六
管大漢將軍及散騎舍人府軍前衛帶刀官者一管五
軍營義刀圍子手者一管神樞營紅盔將軍者四聖節

正旦冬至及大祀誓戒冊封遣祭傳制用全直直三千
人餘則更番器仗衣服位列亦稍殊焉凡郊祀經筵巡
幸侍從各有定制詳禮志中居常當直將軍朝夕分候
午門外夜則司更共百人而五軍以刀官軍悉於皇城
直宿掌侍衛官輪直日一員惟掌錦衣衛將軍及以刀
手者每日侍尤嚴收捕之令及諸脫更離直者共計錦
衣衛大漢將軍一千五百七人府軍前衛帶刀官四十
神樞營紅盔將軍二千五百把總指揮十六明甲將軍

五百二把總指揮二大漢將軍八五軍營义刀圍子手
三千把總指揮八勲衛散騎舍人無定員旗手等衛帶
刀官一百八十此侍衛親軍大較也正統後妃主公侯
中貴子弟授官者多寄祿錦衣中正德時奏帶傳陞冒
銜者又不下數百人武宗好養勇士嘗以千把總四十
七人注錦衣衛帶俸舍餘千一百人充御馬監家將勇
士食糧騎操又令大漢將軍試百戶五年實授著為令
倖竇開而恩澤濫宿衛稍輕矣至萬厯間衛士多占役

買間其弊亦與三大營等雖定離直者奪月糈之例然不能革太祖之設錦衣也專司鹵簿是時方用重刑有罪者往往下錦衣衛鞫實本衛參刑獄自此始文皇入立倚錦衣為心腹所屬南北兩鎮撫司南理本衛刑名及軍匠而北專治詔獄凡問刑奏請皆自達不關白衛帥用法深刻為禍甚烈詳刑法志又錦衣緝民間情偽以印官奉敕領官校東廠太監緝事別領官校亦從本衛撥給因是恒與中官相表裏皇城守衛用二十二衛

卒不獨錦衣軍而門禁亦上直中事京城巡捕有專官
然每令錦衣官協同地親權要遂終明之世云初太祖
取婺州選富民子弟充宿衛曰御中軍已置帳前總制
親兵都指揮使後復省置都鎮撫司隸都督府總牙兵
巡徼而金吾前後羽林左右虎賁左右府軍左右前後
十衛以時番上號親軍有請得自行部不關都督府及
定天下改都鎮撫司為留守設左右前後中五衛關領
內府銅符日遣二人點閱夜亦如之所謂皇城守衛官

軍也二十七年申定皇城門禁約凡朝參門始啟直日都督將軍及帶刀指揮千百戶鎮撫舍人入後百官始以次入上直軍三日一更番內臣出入必合符嚴索以金幣出者驗視勘合以兵器雜藥入門者禽治失察者重罪之民有事陳奏不許固遏帝念衛士勞苦令家有婚喪疾病產子諸不得已事得自言情家無餘丁父母俱病者許假侍養愈乃復先是新宮成詔中書省曰軍士戰鬪傷殘難備行伍可於宮牆外造舍以居之晝則

治生夜則巡警其後定十二衛隨駕軍上直者人給錢
三百二十八年復於四門置舍使恩軍為衛士執饗恩
軍者得罪免死及諸降卒也永樂中定制諸衛各有分
地自午門達承天門左右逮長安左右門至皇城東西
屬旗手濟陽濟川府軍及虎賁右金吾前燕山前羽林
前八衛東華門左右至東安門左右屬金吾羽林府軍
燕山四左衛西華門左右至西安門左右屬四右衛元
武門左右至北安門左右屬金吾府軍後及通州太興

四衛衛有銅符頒自太祖曰承曰東曰西曰北各以其門名也巡者左半守者右半守官遇巡官至合契而從事各門守衛官夜各領銅令申字牌巡警自一至十六內皇城衛舍四十外皇城衛舍七十二俱設銅鐸次第循環內皇城左右坐更將軍百每更二十人四門支更官八交互往來鈐印於籍以為驗都督及帶刀千百戶日各一人領申字牌直宿及點各門軍士後更定都督府改命侯伯僉書馬洪熙初更造衛士懸牌時親軍缺

伍衛士不獲代帝命選他衛軍守端直諸門尚書李慶
謂不可帝曰人主在布德以屬人心苟心相屬雖非親
幸何患焉宣德三年命御史點閱衛卒天順中復增給
事中一人成化十年尚書馬文升言太祖置親軍指揮
使司不隸五府文皇帝復設親軍十二衛又增勇士數
千員屬御馬監上直而以腹心臣領之比者日廢弛勇
士與諸營無異皇城之內兵衛無幾諸監門卒尤疲羸
至不任受甲宜敕御馬監官即見軍選練仍敕守衛官

常嚴步伍議察出入以防微銷萌帝然其言亦未能有
所整飭正德初嚴皇城紅鋪巡日徼令留守衛指揮五
員督內外夜巡軍而兵部郎中主事各一人同御史錦
衣衛稽閱毋攝他務嘉靖七年增直宿官軍衣糧五年
一給萬曆十一年於皇城內外設把總二員分東西管
理時門禁益弛衛軍役於中官每至空伍賃市兒行丐
應點閱叉刀紅盔日出始一入直直廬虛無人坐更將
軍皆納月錙於所轄凡提號巡城印簿走更諸事悉廢

十五年再申門禁久之給事中吳文煒乞盡復舊制不報末年有失金牌久之始覺者挺擊之事張差一妄男子得闢入殿廷其積弛可知是後中外多事啟禎兩朝雖屢申飭竟莫能挽侵尋以至於亡京城巡捕之職洪武初置兵馬司譏察奸偽夜發巡牌旗士領之覈城門扃鐃及夜行者已改命衛所鎮撫官而掌於中軍都督府永樂中增置五城兵馬司宣德初京師多盜增官軍百人協五城逐捕已復增夜巡侯卒五百成化中始命

錦衣官同御史督之末年撥給團營軍二百弘治元年
令三千營選指揮以下四員領精騎巡京城外又令錦
衣官五旗手等衛官各一分地巡警巡車給牌五年設
把總都指揮專職巡捕正德中添設把總分畫京城外
地南抵海子北抵居庸關西抵蘆溝橋東抵通州復增
城內二員而益以團營軍定官卒賞罰例末年邏卒增
至四千人特置參將嘉靖元年復增城外把總一員并
增營兵為五千又東西二路城外西南東南東北三路

增營兵為五千又十選一立尖哨五百騎厚其月糈命
參將督操而監以兵部郎是時京軍弊壞積久捕營亦
然三十四年軍士僅三百餘以給事中邱岳等言削指
揮樊經職而禁以軍馬私役騎乘萬厯十二年從兵部
議京城內外盜發自卯至申責兵馬司自酉至寅責巡
捕官賊衆則協力捕勦是後軍額倍增駕出及朝審錄
囚皆結隊駐巷口籍伍雖具而士馬實凋弊不足用捕
營提督一參將二把總十八巡軍萬一千馬五千匹盜

賊縱橫至竊內中器物獲其種索竟不能得也莊烈帝時又以兵部左侍郎專督然營軍半虛廩馬多雇人騎失盜嚴限止五日玩法卒如故

四衛營者永樂時以迤北逃回軍卒供養馬役給糧授室號曰勇士後多以進馬者充而聽御馬監官提調名隸羽林身不隸也軍卒相冒支糧不可稽宣德六年乃專設羽林三千戶所統之凡三千一百餘人尋改武驤騰驤左右衛稱四衛軍選本衛官四員為坐營指揮督

以太監別營開操稱禁兵器械衣甲異他軍橫於輦下
往往為中官占匿弘治末勇士萬一千七百八十人旗
軍三萬一百七千人歲支廩粟五十萬孝宗納廷臣言
覈之又令內臣所進勇士必由兵部驗送乃給廩五年
籍其人數著為令省度支金錢歲數十萬武宗即位中
官甯瑾乞留所汰人數言官及尚書劉大夏持不可不
聽後兩官廳設遂選四衛勇士隸西官廳掌以邊將江
彬太監張永等世宗入立詔自弘治十八年存額外悉

裁之替補必兵部查駁而御馬監馬牛羊令巡視科道覈數既而中旨免覈馬多虛增後數年御馬太監閔洪復矯旨選四衛官給事中鄭自璧劾其欺蔽不報久之兵部尚書李承勛請以選覈仍隸本部中官謂非便帝從承勛言十六年又命收復登極詔書所裁者凡四千人後五年內臣言勇士僅存五千餘請令子姪充選以備邊警部臣言故額定五千三百三十人八年清稽已浮其數且此營本非為備邊設者帝從部議然隱射占

役冒糧諸弊率如故萬歷二年減坐營官二員已復定
營官缺由兵部擇用其後復為中官所撓仍屬御馬監
廷臣多以為言不能從四十二年給事中姚宗文點閱
本營言官勇三千六百四十七僅及其半馬一千四十
三則無至者官旗七千二百四十止四千六百餘馬亦
如之乞下法司究治帝不能問天啟末巡視御史高弘
圖請視三大營例分弓弩短兵火器加以訓練至正烈
帝時提督內臣曹化淳奏改為勇衛營以周遇吉黃得

功為師遂成勁旅出擊賊輒有功得軍士畫虎頭於
皂布以衣甲賊望見黑虎頭軍多走避其得力出京營
上云

明史卷八十九



總校官編修臣吳紹濬

欽定四庫全書薈要

史部

明史卷九十一

詳校官編修臣繆晉



欽定四庫全書薈要卷六千六百八十三 史部

明史卷九十

大學士張廷玉等奉 敕修

卷第六十六

兵二

衛所

班軍

太祖下集慶路為吳王罷諸翼統軍元帥置武德龍驤
豹韜飛熊威武廣武興武英武鷹揚驍騎神武雄武鳳

翔天策振武宣武羽林十七衛親軍指揮使司革諸將
襲元舊制樞密平章元帥總管萬戶諸官號而覈其所
部兵五千人為指揮千人為千戶百人為百戶五十人
為總旗十人為小旗天下既定度要害地係一郡者設
所連郡者設衛大率五千六百人為衛千一百二十人
為千戶所百十有二人為百戶所所設總旗二小旗十
大小聯比以成軍其取兵有從征有歸附有謫發從征
者諸將所部兵既定其地因以留戍歸附則勝國及僭

偽諸降卒謫發以罪遷隸為兵者其軍皆世籍此其大畧也洪武三年陞杭州江西燕山青州四衛為都衛復置河南西安太原武昌四都衛四年造用寶金符及調發走馬符牌用寶符為小金牌二中書省大都督府各藏其一有詔發兵省府以牌入內府出寶用之走馬符牌鐵為之共四十金字銀字者各半藏之內府有急務調發使者佩以行尋改為金符凡軍機文書自都督府中書省長官外不許擅奏有詔調軍省府同覆奏然後

納符請寶五年置親王護衛指揮使司每府三護衛衛
設左右中前後五所所千戶二百戶十圍子手所二所
千戶一七年申定兵衛之政征調則統於諸將事平則
散歸各衛八年改在京留守都衛為留守衛指揮使司
在外都衛為都指揮使司凡十三北平陝西山西浙江
江西山東四川福建湖廣廣東廣西遼東河南又行都
指揮使司二甘州大同俱隸大都督府九年選公侯都
督各衛指揮嫡長次子為散騎叅侍舍人隸都督府充

宿衛或署各衛所事十三年丞相胡惟庸謀反誅革中
書省因改大都督府為五分統諸軍司衛所明年復置
中都留守司及貴州雲南都指揮使司十五年三月頒
軍法定律十六年詔各都司上衛所城池水陸地里圖
二十年置大寧都指揮使司是年命兵部置軍籍勘合
載從軍履歷調補衛所年月在營丁口之數給內外衛
所軍士而藏其副於內府三十年定武官役軍之制指
揮同知僉事四千戶三百戶鎮撫二皆取正軍三日一

番上下直歸伍操練衛所直廳六守門二守監四守庫
一皆任老軍歲一更建文帝嗣位置河北都司湖廣行
都司文皇入立皆罷之而陞燕山三護衛為親軍並建
文時所立孝陵衛皆不隸五府後諸陵設衛皆如之移
山西行都司所屬諸衛軍於北平設衛屯種永樂元年
罷北平都司設留守行後軍都督府遷大寧都司於保
定明年更定衛所屯守軍士臨邊險要者守多於屯在
內平僻或地雖險要而運輸難至者皆屯多於守七年

置調軍勘合以勇敢鋒銳神奇精壯強毅克勝英雄威
猛十六字編百號制敕調軍及遣將比號同方准行十
八年北京建在南諸衛多北調宣德五年從平江伯陳
瑄言以衛官職漕運東南之卒由是困八年減衛軍餘
丁正軍外每軍留一餘悉遣歸已復以幼軍備操者不
足三丁至七八丁者選一餘聽治生給軍裝正軍有故
即令補伍毋再勾攝當是時都指揮使與布按並稱三
司為封疆大吏而專閭重臣文武亦無定職世猶以武

為重軍政修飭正德以來軍職冒濫為世所輕內之部
科外之監軍督撫疊相彈壓五軍府如贅疣弁帥如走
卒總兵官領敕於兵部皆踞間為長揖即謂非體至於
末季衛所軍士雖一諸生可役使之積輕積弱重以隱
占虛冒諸弊至舉天下之兵不足以任戰守而明遂亡
矣崇禎三年范景文以兵部侍郎守通州上言祖制邊
腹內外衛所碁置以軍隸衛以屯養軍後失其制軍外
募民為兵屯外賦民出餉使如鱗尺籍不能為衝鋒之

事并不知帶甲之人陛下百度振刷豈可令有定之軍
數付之不可問有用之軍糈投之不可知因條上清覈
數事不果行初洪武二十六年定天下都司衛所共計
都司十有七留守司一內外衛三百二十九守禦千戶
所六十五及成祖在位二十餘年多所增改其後措置
不一今區別其名於左以資考鏡

上十二衛

金吾前衛

金吾後衛

羽林左衛

羽林

右衛

府軍衛

府軍左衛

府軍右衛

府軍前衛

府軍後衛

虎

賁左衛

錦衣衛

旗手衛

五軍都督府所屬衛所

左軍都督府在京

凡本府在京屬衛曾經永樂十八年調守北京者各註其下曰調北京其

年月不重出後四府同

留守左衛調北京鎮南衛

調北京水軍左衛

驍騎右衛調北京龍虎衛調

北京英武衛

潘陽左衛

在外浙江都司

杭州前衛杭州右

調北京

潘陽右衛調北京

衛台州衛

寧波衛

處州衛

紹興衛

海寧衛

昌國衛

溫州衛

臨山衛

松門衛

金鄉衛

定海衛

海門衛

盤石衛

觀海衛

海寧千戶遼

所衛州千戶所

嚴州千戶所

湖州千戶所

東都司

定遼左衛

定遼右衛

定遼中衛

定遼前

衛海州衛

蓋州衛

鐵嶺衛

東寧衛

潘陽中

遼海衛

三萬衛

廣寧左屯衛

廣寧右屯衛

復州衛

義州衛

廣寧前屯衛

廣寧後屯衛

山東都司

青州左護衛後

廣寧中護衛後改為屯衛

青州護衛革

兗州護衛革

兗州左護衛後為臨清

衛登州衛

青州左衛

萊州衛

寧海衛

濟南

衛平山衛

德州衛後改屬後府

樂安千戶所

後

改名武定屬後府

膠州千戶所

諸城千戶所

滕

縣千

戶所

右軍都督府在京

虎賁右衛調北京

留守右衛調北

廣武

在外雲南都司

雲南左衛

雲南右衛

雲南前

景東衛

曲靖衛

大理衛

楚雄衛

臨安衛

馬隆衛改雲南右護衛革

金盞衛

洱海衛

蒙化衛

六涼

衛鶴慶

貴州都司

貴州衛

永寧衛

普安衛

層臺

千戶所革

越衛

烏撒衛

衛革 赤水衛 威清衛 興隆衛 新添衛 清平

衛 平壩衛 安莊衛 龍里衛 安南衛 都勻衛

畢節衛 四川都司 成都左護衛 成都右護衛 後

黃平千戶所 為龍虎左衛 隸南京左府 成

都中護衛 後為豹韜左衛 隸南京前府 成都左衛 革

成都右衛 成都前衛 成都後衛 成都中衛

寧川衛 茂州衛 建昌衛 後屬行都司 重慶衛

叙南衛 蘇州衛 後為寧番衛 屬行都司 革 瀘州衛

松潘軍民指揮使司 嚴州衛 革 青川 陝西都司

千戶所 威州千戶所 大渡河千戶所

西安左護衛 後為神武右衛 西安右護衛 西安中

護衛 後為神武前衛 西安左衛 西安右衛 改西安

中護衛 西安前衛 西安後衛 華山衛 改西安左

護衛 又改神武右衛 泰山衛 改西安右護衛 延安

衛 綏德衛 平涼衛 慶陽衛 寧夏衛 臨洮衛

鞏昌衛 西寧衛 後屬行都司 漢中衛 涼州衛

後屬行都司 莊浪衛後屬行都司 蘭州衛 秦州

衛 岷州軍民指揮使司 洮州衛 河州軍民指揮

使司 甘肅衛後為甘州後衛 山丹衛後屬行都司

永昌衛後屬行都司 鳳翔千戶所 金州千戶所

寧夏中護衛 西河中 廣西都司 桂林左衛後為廣

護衛後改雲南中護衛 革 廣西都司 西護衛 桂林右

衛 桂林中衛 南寧衛 柳

州衛 馴象衛 梧州千戶所

中軍都督府在京 留守中衛 調北京 神策衛 調北京

衛 調北京 牧馬 在外直隸 應天衛 調北京 和陽

千戶所 調北京 鎮海衛 滁州衛 太倉衛 泗州衛

淮安衛 邳州衛 大河衛 沂州衛 金山衛 新

壽州衛 儀真衛 徐 中都留守司 鳳陽右衛

安衛 蘇州衛 宿州千戶所 中都留守司 鳳陽中

州衛 安慶衛 宿州千戶所 中都留守司 鳳陽中

州衛 安慶衛 宿州千戶所 中都留守司 鳳陽中

州衛 安慶衛 宿州千戶所 中都留守司 鳳陽中

衛 皇陵衛 鳳陽衛 留守左衛 留守 河南都司

中衛 長淮衛 懷遠衛 洪塘千戶所

歸德衛 後屬中府 陳州衛 宏農衛 汝寧衛 後改

千戶所屬中府 潼關衛 後屬中府 河南衛 睢陽

衛 宣武衛 信陽衛 彰德衛 武平衛 後屬中府

南陽衛 寧國衛 後為涿鹿後衛 後屬中府 懷慶

衛 寧山衛 後屬後府 潁州衛 安吉衛 後為通州

衛 親軍 潁上千戶所 河南左護衛 河南中護衛

河南右護衛三

護衛後并彭城衛

前軍都督府在京 天策衛 後分為保安衛及保安右衛

龍驤衛 調北京 豹韜衛 調北京

龍江衛 後改為龍江 在外直隸 湖廣都司 武昌

左衛 飛熊衛 調北京 永州衛 岳州衛 蘄州衛

武昌左衛 黃州衛 辰州衛 安陸衛 後屬行都

施州衛 長沙護衛 革

司改承天衛 襄陽衛 襄陽護衛後俱屬行都司

常德衛 沅州衛 寶慶衛 沔陽衛後屬興都留守

司長沙衛 茶陵衛 衡州衛 瞿塘衛後屬行都

司鎮遠衛 平溪衛 清浪衛 偏橋衛 五開衛

九溪衛 荊州左護衛後為荊州左衛屬行都司改

顯陵衛 荊州中護衛革 靖州衛 永定衛 郴州

千戶所 夷陵千戶所後屬行都司 桂陽千戶所

德安千戶所後改屬興都留守司 忠州千戶所後屬

行都司 安福千戶所 道州千戶所革 大庸千戶

所 西平千戶所革 麻寮千戶所 枝江千戶所後

屬行都司 武岡千戶所 崇山千戶所革 長寧千

戶所後屬行都司 武昌左右中三護衛左改東昌衛

右改徐州左衛 福建都司 福州中衛 福州左衛 福

中改武昌護衛 福建都司 州右衛 興化衛 泉州衛

漳州衛 福寧衛 鎮東衛 福建行都司 建寧左衛

平海衛 永寧衛 鎮海衛 福建行都司 建寧右

衛 建陽衛

延平衛

邵 江西都司

南昌左衛

武衛 汀州衛

將樂千戶所

南昌前衛

袁州衛 贛州衛

吉安衛 後為千戶所

饒州千戶

所 安福千戶所

會昌千戶所

永新千戶所

安千戶所

建昌千戶所

撫州千戶所

廣東都司

廣州前

戶所 鉛山千戶所

廣信千戶所

潮州衛

雷州衛

廣

州左衛 廣州右衛

南海衛

肇慶衛

廣州後衛

海南衛 清遠衛

惠州衛

肇慶衛

廣州後衛

程鄉千戶所

高州千戶所

廉州千戶所

崖州千戶所

後為廉州

衛 萬州千戶所

儋州千戶所

崖州千戶所

南

雄千戶所

韶州千戶所

德慶千戶所

新興千

戶所 陽江千戶所

新會千戶所

龍川千戶所

新興千

後軍都督府在京

橫海衛

江陰衛

鷹揚衛

興武衛

調北京

衛 在外北平都司

燕山左衛

燕山右衛

燕山前衛

永清右

衛 在大興左衛

永清左衛

永清右

永清右

衛 濟川衛 濟陽衛 彭城衛 通州衛 已上俱改

為親軍 薊州衛 密雲衛 後為密雲後衛 屬後府

真定衛 永平衛 山海衛 遵化衛 居

庸闕千戶所 後為隆慶衛 已上俱屬後府 北平行都

司 後為大寧都司 大寧左衛 大寧右衛 二衛後為

營州左右護衛 改延慶左右衛 大寧中衛 大寧

前衛 大寧後衛 後為營州中護衛 改寬河衛 會川

衛 俱改調京衛 已上俱屬後府 營州中護衛 興州

中護 山西都司 太原左衛 太原右衛 太原前衛

衛 革 山西都司 振武衛 平陽衛 鎮西衛 潞州衛

蒲州千戶所 廣昌千戶所 沁州 山西行都司 大

千戶所 寧化千戶所 雁門千戶所 山西行都司 同

左衛 大同右衛 大同 北平三護衛 燕山左護衛

前衛 蔚州衛 朔州衛 北平三護衛 燕山右護衛

燕山中護衛 山西三護衛 太原左護衛 太原右護

俱為親軍 山西三護衛 太原中護衛 俱革

後定天下都司衛所共計都司二十一留守司二內外

衛四百九十三守禦屯田羣牧千戶所三百五十九儀

衛司三十三

自儀衛司以下舊無後以次漸添設

宣慰使司二招討使司

二宣撫司六安撫司十六長官司七十

原五十九

番邊都司

衛所等四百七

後作四百六十三

親軍上二十二衛舊制止十二衛後增設金吾左以下

十衛俱稱親軍指揮使司不屬五府又設騰驤等四衛

亦係親軍并武功永清彭城及長陵等十五衛俱不屬

府金吾前衛 金吾後衛 羽林左衛 羽林右衛

府軍衛 府軍左衛 府軍右衛 府軍前衛 府

軍後衛 虎賁左衛 錦衣衛 旗手衛 已上舊為上

十二衛 金吾左衛 金吾右衛 羽林前衛 已上北

平三護衛 洪武三十五年陞 燕山左衛 燕山右衛

燕山前衛 大興左衛 濟陽衛 濟川衛 通州

衛舊為安吉衛 已上北平都司七衛 永樂四年陞俱為

親軍 騰驤左衛 騰驤右衛 舊為神武前衛 武驤

左衛 武驤右衛 已上四衛 宣德八年以各衛養馬軍

士及神武前衛官軍開設 武功中衛 洪武年間設

武功左衛 宣德二年設 武功右衛 宣德六年設 永

清左衛 永清右衛 彭城衛 已上北平三衛 改常山

三護衛 宣德初復為本衛 又併河南三護衛 多餘官軍

於彭城衛 長陵衛 舊為南京羽林右衛 永樂二十二

年改 獻陵衛 舊武成左衛 宣德元年改 景陵衛 舊

武成右衛 宣德十年改 裕陵衛 舊武成前衛 天順八

年改 茂陵衛舊武成後衛成化二十三年改 泰陵
衛舊忠義左衛弘治十八年改 康陵衛舊義勇中衛
正德十六年改 永陵衛舊義勇左衛嘉靖二十七年
改 昭陵衛舊神武後衛隆慶六年改 定陵衛 慶
陵衛 德陵衛 奠靖千戶所嘉靖二十一年設
懋壯千戶所屬太常寺轄已上俱不屬五府

五軍都督府所屬衛所

左軍都督府在京

留守左衛

鎮南衛

驍騎右衛

龍虎衛

潘陽左衛

潘陽右衛俱

南京舊制永樂

在外浙江都司

杭州前衛

杭州後衛

十八年分調

台州衛

寧波衛

處州衛

紹興衛

海寧衛

昌國衛

溫州衛

臨

山衛

松門衛

金鄉衛

海門衛

定海衛

盤石

衛

觀海衛

海寧千戶所

衢州千戶所

嚴州千

戶所

湖州千戶所

金華千戶所

澈浦千戶所已

下各所舊無後添設 乍浦千戶所 三江千戶所
定海後千戶所 定海中左千戶所 定海中中千戶

所 滬海千戶所 三山千戶所 大嵩千戶所 霽

衢千戶所 龍山千戶所 石浦前千戶所 石浦後

千戶所 爵谿千戶所 錢倉千戶所 水軍千戶所

新河千戶所 桃渚千戶所 健跳千戶所 隘頑

千戶所 楚門千戶所 平陽千戶所 瑞安千戶所

海安千戶所 蒲門千戶所 壯士千戶所 沙園

千戶所 蒲岐千戶所 寧村千

遼東都司

定遼左衛

戶所 新城千戶所 舊有後革

定遼右

衛 定遼中衛 定遼前衛 定遼後衛 鐵嶺衛

東寧衛 瀋陽中衛 海州衛 蓋州衛 金州衛

復州衛 義州衛 遼海衛 三萬衛 廣寧左屯衛

廣寧右屯衛 廣寧中屯衛 廣寧前屯衛 廣寧

後屯衛 廣寧衛 已下添設 廣寧左衛 廣寧右衛

廣寧中衛 寧遠衛 撫順千戶所 蒲河千戶所

寧遠中左千戶所
寧遠中右千戶所
廣寧中前

千戶所 廣寧中後千戶所 廣寧中左千戶所 金

州中左千戶所
鐵嶺左右千戶所
鐵嶺中左千戶所

所 三萬前千戶所 三萬後千戶所 三萬中

中千戶所
遼海中千戶所
遼海右千戶所

遼海前千戶所
遼海後千戶所
東寧中左千

山東都司舊有青州左護衛後改天津右衛舊有貴

所
州護衛軍
登州衛
青州左衛
萊州

衛 寧海衛 澧南衛 平山衛 安東衛 已下添設

靈山衛 趙山衛 大寧衛 威海衛 成山衛

靖海衛 東昌衛 臨沂衛 兗州左衛 後已 膠州千

澤寧衛舊武昌左護衛後改袁州志衛所已

下戶所設
該城千戶所
每易十戶所
所
願具千戶所
平千戶所
斤
月城一戶所
寧津千戶所
比

下流計海陽千戶所東平千戶所寧江二戶所
惟崖千戶所浮山前千戶所福山中前千戶所

嶺南
山左
千戶所
金山
左千戶所
尋

音山二戶所 泅水二戶所 金山石二戶所

山後千戶所 百尺崖後千戶所 王徐寨前千戶所

夏河寨前千戶所 魯府儀衛司 德府儀衛司

涇府儀衛司 衡府儀衛司 德府羣

牧所 涇府羣牧所 衡府羣牧所

右軍都督府在京

留守右衛 虎賁右衛 武德衛 俱南京舊衛永樂十八年分調在

外直隸

宣州衛舊無後設

陝西都司

舊有階州衛沙州衛靈山千戶所後俱革 西安右

護衛舊泰山衛改

西安左衛 西安前衛 西安後

衛 延安衛

漢中衛

平涼衛

綏德衛

寧夏衛

慶陽衛

鞏昌衛

臨洮衛

蘭州衛

秦州衛

岷州衛舊軍民指揮使司嘉靖二十四年添設岷州四

十年革後存衛

河州衛舊軍民指揮使司 洮州衛

寧夏中護衛

甘州中護衛 安東中護衛 寧夏

前衛已下各衛舊無後設

寧夏中衛 寧夏中屯衛

舊和州衛

寧夏左屯衛

寧夏右屯衛

寧夏衛

靖邊衛 固原衛 榆林衛 寧夏後衛以花馬池千

戶所改 興安千戶所舊金州千戶所萬曆十年改

鳳翔千戶所 禮店前千戶所已下各所舊設 沔縣

千戶所 環縣千戶所 文縣千戶所 階州千戶所

舊屬秦州衛嘉靖二十二年改屬都司 靈州千戶所

西安千戶所 西固成千戶所 歸德千戶所 鎮

羌千戶所 安邊千戶所 平邊千戶所 興武營千

戶所 鎮番千戶所 寧夏平邊千戶所 秦府儀衛

司 慶府儀衛司 肅府儀衛司 韓府儀衛司 陝西

寧夏羣牧所 安東羣牧所 甘州羣牧所 陝西

行都司 洪武十二年添設 甘州左衛 甘州右衛

甘肅衛分設 永昌衛 涼州衛 莊浪衛 西寧衛

山丹衛已上舊屬陝西都司 肅州衛 鎮番衛

鎮夷千戶所 古浪千 四川都司 舊有浦江關軍民千

戶所 高臺千戶所 戶所後革 成都左

戶所

護衛 成都右衛 成都中衛 成都前衛 成都後衛
寧川衛 茂州衛 重慶衛 叙南衛 瀘州衛

利州衛 舊無後設 松潘衛 舊為軍民指揮使司 後

改 青川千戶所 保寧千戶所 威州千戶所 雅

州千戶所 大渡河千戶所 廣安千戶所 灌縣千

戶所 已下各所後設 黔江千戶所 蜀府儀衛

建武千戶所 小河千戶所 蜀府儀衛 土官 天全六

司 壽府儀衛司 革 壽府犀牧所 革 番招討

官司 屬都司 隴木頭長官司 靜州長官司 岳希

達長官司 已上屬茂州衛 石柱宣撫司 酉陽宣撫

司 已上屬重慶衛 石耶洞長官司 邑梅洞長官司

已上屬酉陽宣撫司 占藏先結簇長官司 蠟匣簇

長官司 白馬路簇長官司 山洞簇長官司 阿昔

洞簇長官司 北定簇長官司 麥匝簇長官司 者

多簇長官司 牟力簇長官司 班班簇長官司 祈

命簇長官司 勒都簇長官司 色藏簇長官司 阿

思簇長官司

思叢兒簇長官司

阿用簇長官司

潘幹寨長官司

八郎安撫司

阿角寨安撫司

麻

兒匪安撫司

芒兒者安撫司已上俱屬松潘衛

四川

疊溪長官司

鬱即長官司已上屬疊溪千戶所

四川

行都司

舊無後設

舊有

建昌前衛後革

建昌衛後屬

設會州衛

鹽井衛

越嵩衛

禮州後千戶所

德昌

禮州中千戶所

建昌打冲河中前千戶所

德昌

千戶所

迷易千戶所

鹽井打冲河中左千

土官昌

戶所

冕山橋後千戶所

鎮西後千戶所

土官昌

長官司

威龍長官司

普濟長官司俱屬建昌衛

廣

馬喇長官司屬鹽井衛

邛部長官司屬越嵩衛

廣

西都司

桂林右衛

桂林中衛

南寧衛

柳州衛

潯州

衛

奉議衛

廣西護衛

梧州千戶所

懷集千戶

賀

所

武緣千戶所

古田千戶所

貴縣千戶所

賀

縣千戶所 全州千戶所 太平千戶所 象州千戶

所 平樂千戶所 鬱林千戶所 賓州千戶所 來

賓千戶所 富川千戶所 容縣千戶所 融縣千戶

所 灌陽千戶所 河池千戶所 武宣千戶所 向

武千戶所 五屯田千戶所 還 雲南都司 舊有鶴

江屯田千戶所 靖江府儀衛司 雲南都司 慶通海

二千戶所 革 雲南左衛 雲南右衛 雲南前衛

大理衛 楚雄衛 臨安衛 景東衛 曲靖衛 洱

海衛 永昌衛 舊為金齒軍民指揮使司 蒙化衛

平夷衛 越州衛 六涼衛 雲南中衛 雲南後衛

已下後設 廣南衛 大羅衛 瀾滄衛 以瀾滄軍民

指揮使司改 騰衝衛 以騰衝軍民指揮使司改 安

寧千戶所 宜良千戶所 易門千戶所 楊林堡千

戶所 十八寨千戶所 通海前千戶所 通海右

右千戶所 定遠千戶所 馬隆千戶所 姚安千戶

所 姚安中屯千戶所 武定千戶所 木密關千戶

所鎮安千戶所舊為金盞千戶所萬曆十三年改駐

守猛淋鎮姚千戶所舊為永昌千戶所萬曆十三年

改駐守老姚關永平前千戶所永平後千戶所

戶所騰衝千戶所新安千戶所鳳梧千戶所土

官茶山長官司潞江安撫司鳳溪長官司施甸

長官司鎮道安撫司楊塘安撫司俱屬永昌衛

蠻莫安撫司猛臉長官司貴州都司舊有層臺

猛養長官司俱萬曆十三年改設貴州都司重安二千

戶所俱革舊有平伐長官司後隸貴陽府舊有平浪九

名九姓獨山州二長官司後隸都勻府貴州衛永

寧衛普定衛平越衛烏撒衛普安衛赤水

衛威清衛興隆衛新添衛清平衛平壩衛

安莊衛龍里衛安南衛都勻衛畢節衛

貴州前衛舊無後改黃平千戶所普市千戶所

重安千戶所安龍千戶所白撒千戶所摩泥千

戶所關索嶺千戶所阿落密千戶所平夷千戶

所安南千戶所樂民土官新添長官司小平伐

千戶所七星關千戶所長官司把平寨長官

司丹平長官司丹行長官司已上屬新添衛

楊義長官司屬平越衛太平伐長官司屬龍里衛

中軍都督府在京陽衛俱南京舊衛永樂十八年調和

牧馬千戶所南京舊所在外直隸揚州衛高郵衛

調蕃牧千戶所添設儀真衛淮安衛

鎮海衛滁州衛徐州衛蘇州衛太倉衛金

山衛新安衛泗州衛壽州衛邳州衛大河

衛沂州衛安慶衛宿州衛舊為千戶所潼關

衛已下舊屬河南都司歸德衛武平衛鎮江衛

已下添設廬州衛六安衛徐州左衛建陽衛

汝寧千戶所松江中千戶所青村中前千戶所

南匯嘴中後千戶所嘉興中左千戶所在府吳淞

江千戶所寶山千戶所劉河堡中千戶所崇明

沙千戶所 興化千戶所 通州千戶所 泰州千戶

所 鹽城千戶所 東海中千戶所 海州中前千戶

所 莒州 中都留守司 鳳陽衛 鳳陽中衛 鳳陽右

千戶所 衛 皇陵衛 留守左衛 留

守中衛 長淮衛 懷 河南都司 舊有洛陽中護衛後

遠衛 洪塘千戶所 併汝州衛 河南衛

宏農衛 陳州衛 睢陽衛 宣武衛 信陽衛

彰德衛 南陽衛 懷慶衛 潁川衛 南陽中護衛

已下添設 汝州衛 潁上千戶所 禹州千戶所 舊

名鈞州後改 嵩縣千戶所 衛輝前千戶所 林縣

千戶所 鄧州前千戶所 唐縣右千戶所 周府儀

衛司 唐府儀衛司 伊府儀衛司 趙府儀衛司

鄭府儀衛司 崇府儀衛司 徽府儀衛司 趙府羣

牧所 鄭府羣牧所 崇府羣牧所 徽府羣牧所

前軍都督府在京 留守前衛 龍驤衛 豹韜衛 在外

俱南京舊衛永樂十八年分調

直隸

九江

湖廣都司

舊有武昌右千戶所革

武昌衛
黃州衛
永州衛

岳州衛

蘄州衛

施州衛

辰州衛

常德衛

沅州衛

寶慶衛

沔陽衛

長沙衛

衡州衛

茶

陵衛

鎮遠衛

偏橋衛

清浪衛

已上三衛

在貴州

境

平溪衛

五開衛

九溪衛

靖州衛

永定衛

寧遠衛

已下添設

銅鼓衛

武昌護衛

襄陽護

衛

郴州千戶所

麻寮千戶所

添平千戶所

安

福千戶所

忠州千戶所

在四川境

大庸千戶所

寧溪千

桂陽千戶所

武崗千戶所

澧州千戶所

桃川千戶所

寧溪千

戶所

常寧千戶所

鎮溪千戶所

江華千

枇杷千戶所

錦田千戶所

寧遠千戶所

汶溪千戶所

黎平千

戶所

城步千戶所

天柱千戶所

大田千戶所

新化亮寨千戶

宜章千戶所

廣安千戶所

新化千戶所

平茶千戶所

戶所

中潮千戶所

隆里千戶所

已上五所在貴州境

平茶千戶所

平茶屯千戶所 銅鼓千戶所 楚府儀衛司 荊

府儀衛司 雍府儀衛司 榮府儀衛司 岷府儀衛司

司 吉府儀衛司 荊府犀牧所 雍府犀牧所 土官 永順軍

犀牧所 榮府犀牧所 吉府犀牧所 麥著黃洞長官司 民宣慰

使司屬都司 臘惹洞長官司 白崖洞長官司

驢連洞長官司 施溶溪長官司 保靖州軍民宣

慰使司屬都司 五寨長官司 箬子坪長官司 保靖州軍民宣

慰使司屬都司 施南宣撫司屬施州衛 東鄉五路安

撫司屬施南宣撫司 把搖洞長官司 上愛茶峒長

官司 下愛茶峒長官司 鎮遠蠻商長官司 隆奉

蠻商長官司 俱屬東鄉五路安撫司 忠孝安撫司屬

施南 忠路安撫司屬施南 金峒安撫司屬施南

劍南長官司屬忠路 西坪蠻商長官司屬金峒 散

毛宣撫司屬施州衛 龍潭安撫司 大旺安撫司俱

屬散毛 東流蠻商長官司 臘壁峒蠻商長官司俱

屬散毛 東流蠻商長官司 臘壁峒蠻商長官司俱

屬大旺 忠建宣撫司屬施州衛 忠峒安撫司 高

羅安撫司屬忠建 木冊長官司屬高羅 鎮南長官

司 唐崖長官司 容美宣撫司俱屬施州衛 椒山

瑪瑙長官司 五峰石寶長官司 水盡源通塔平長

官司 石梁下峒長官司俱屬容美 桑植安撫司 湖

屬九溪 繇剖六洞橫波等處長官司屬鎮遠衛 荆

廣行都司 以湖廣都司衛所改設 荊州衛 荊州左

護衛 安陸衛 鄖陽衛 夷陵千戶所 德安千戶

所 枝江千戶所 長寧千戶所 遠安千戶所 竹

山千戶所 均州千戶所 房縣千戶所 忠州千

戶所 遼府儀衛司 襄府儀衛司 興府儀衛司 興

都留守司 承天衛舊安陸衛嘉靖十八年改 顯陵衛舊為

荆州左衛嘉靖十八年改 德安千 福建都司 福州中

戶所舊屬行都司嘉靖二十一年改 福建都司 衛 福

州左衛

福州右衛

興化衛

泉州衛

漳州衛

福寧衛

鎮東衛

平海衛

永寧衛

鎮海衛

大

金千戶所已下添設

定海千戶所

梅花千戶所

萬安千戶所

莆禧千戶所

福全千戶所

金門千

戶所中左千戶所

高浦千戶所

浦城千戶所

崇武千

六鰲千戶所

銅山千戶所

元鍾千戶所

崇武千

戶所

南詔千戶所

福建行都司

建寧左衛

建寧右衛

所

龍巖千戶所

延平衛

邵武衛

汀州衛

將樂千戶所

武平千戶所

浦城千戶所已下添設

江西

永安千戶所

上杭千戶所

武平千戶所

浦城千戶所

袁州衛

都司

南昌衛

正德十六年以左前二衛并改

袁州衛

袁州衛

安福千戶所

會昌千戶所

永新千戶所

鉛山千戶所

南安

千戶所

建昌千戶所

撫州千戶所

鉛山千戶所

南安

廣信千戶所

信豐千戶所

寧府儀衛司

淮府

淮府

儀衛司

益府儀衛司

淮府羣牧所

益府羣牧所

廣東都司

廣州前衛

廣州後衛

廣州左衛

廣州

衛 清遠衛

惠州衛

肇慶衛

廣海衛

已下添設

碣石衛

神電衛

廉州衛舊千戶所

新會千戶

所 韶州千戶所

南雄千戶所

龍川千戶所

程

鄉千戶所

德慶千戶所

新興千戶所

陽江千戶

所 高州千戶所

儋州千戶所

新寧千戶所

萬

州千戶所

崖州千戶所

增城千戶所

東莞千戶

所 已下添設

大鵬千戶所

香山千戶所

連州千

戶所

河源千戶所

長樂千戶所

平海千戶所

大城

海豐千戶所

捷勝千戶所

甲子門千戶所

蓬州千戶所

陽春

千戶所

海門千戶所

靖海千戶所

四會千戶所

陽春

澄海千戶所

廣寧千戶所

雙魚千戶所

寧州千戶所

陽春

千戶所

海朗千戶所

雙魚千戶所

寧州千戶所

陽春

信宜千戶所

石城千戶所

永安千戶所

欽州

欽州

千戶所

靈山千戶所

海康千戶所

樂民千戶所

樂民千戶所

海安千戶所 錦囊千戶所 清瀾千戶所 昌化

千戶所 南山千戶所 瀧水千戶所 從化千戶所

封門千戶所 函口

千戶所 富霖千戶所

後軍都督府在京

留守後衛 鷹揚衛 興武衛俱南

衛 大寧前衛 會州衛俱北平行都司舊衛 富峪

衛已下添設并北平山西等衛改調 寬河衛舊大寧

後衛 神武左衛 神武後衛改昭陵衛 忠義左衛

忠義右衛 忠義前衛 忠義後衛 義勇中衛

義勇左衛 義勇右衛 義勇前衛 義勇中衛

義勇後衛 武成中衛 蔚州左衛 在外直隸舊為

都司有北平三護衛後俱為親軍其不係北平舊衛者

俱永樂以後添設 薊州衛 真定衛 永平衛 山

海衛 遵化衛已上北平舊衛 密雲中衛 密雲後

衛以舊密雲分 開平中屯衛 興州左屯衛 興州

右屯衛 興州中屯衛 興州前屯衛 興州後屯衛

延慶衛 舊為北平都司居庸關千戶所後改隆慶衛

後又改此 東勝左衛 東勝右衛 鎮朔衛 涿鹿

衛 舊為河南寧國衛屬中府 定邊衛 神武右衛

神武中衛 忠義中衛 盧龍衛 武清衛 撫寧衛

德州衛 寧山衛 舊屬河南都司屬中府 大同中

屯衛 永樂初改調 潘陽中屯衛 定州衛 已上舊為

北平山東山西河南等處衛所永樂初調改 天津衛

已下添設 天津左衛 天津右衛 舊青州左護衛

通州左衛 通州右衛 涿鹿左衛 涿鹿中衛 河

間衛 潼關衛 舊屬河南都司 德州左衛 梁城千

戶所 滄州千戶所 已下添設 倒馬關千戶所 潮

河千戶所 白洋口千戶所 渤海千戶所 寬河千

戶所 鎮邊城千戶所 順德千戶所 武定千戶所

舊樂安千戶所改屬 平定千戶所 大寧都司 保定左

蒲州千戶所俱屬山西都司後改 衛 保定左

欽定四庫全書

卷九十

定右衛 保定中衛 保定前衛 保定後衛 俱永樂

元年設 營州左屯衛 營州右屯衛 營州中屯衛

營州前屯衛 營州後屯衛 俱洪武舊 萬全都司 宣

衛永樂改屬 茂山衛 紫荆關千戶所 萬全都司 德

五年分置隸及山西等處衛所添改 萬全左衛 萬

全右衛 宣府前衛 宣府左衛 宣府右衛 懷安

衛 開平衛 延慶左衛 舊屬北平行都司後改 延

慶右衛 舊屬北平都司後改 龍門衛 保安衛 舊屬

前府後改 保安右衛 舊屬前府後改 蔚州衛 永

寧衛 懷來衛 興和千戶所 美峪千戶所 廣昌

千戶所 舊屬山西都司後改 四海冶千戶所 山西都

長安千戶所 雲川千戶所 龍門千戶所 山西都

司 舊有太原三護衛後革蒲州千戶所改屬直隸廣昌

千戶所改屬萬全都司 太原左衛 太原右衛

太原前衛 振武衛 平陽衛 鎮西衛 潞州衛

潘陽中護衛後設 汾州衛後設 沁州千戶所 寧

化千戶所 雁門千戶所 保德州千戶所 已下添設

偏頭關千戶所 磁州千戶所 寧武十戶所 八

角千戶所 老營堡千戶所 嘉靖十七年添設 晉府

儀衛司 潘府儀衛司 代府儀衛司 舊有蔚州衛 後改屬萬全

潘府羣牧所 山西行都司 都司 大同左衛 大同

右衛 大同前衛 大同後衛 朔州衛 已下俱山西

大同等處衛所調改及添設 鎮邊衛 安東中屯衛

陽和衛 玉林衛 高山衛 雲川衛 天城衛

威遠衛 平番衛 山陰千戶所 馬邑千戶所 井

坪千戶所

戶所

南京衛所親軍衛

金吾前衛 羽林右衛 金吾後衛 羽林左衛

府軍左衛 府軍右衛 府軍前衛 府軍後衛

虎賁左衛 錦衣衛 旗手衛 金吾左衛 金吾右

衛 江淮衛 濟川衛

孝陵衛 儀牲千戶所

五軍都督府屬左軍都督府

本府所屬衛仍隸北京左

水軍左衛 驍騎右衛

龍虎衛 龍虎左衛 舊為

成都右護衛宣德六年改

英武衛 瀋陽左衛 瀋

陽右衛

右軍都督府

本府所屬衛仍隸北京右府

龍江右衛

虎賁右衛 留守右衛 水軍

右衛 武德

中軍都督府

本府所屬衛仍隸北京中府

廣武衛

留守中衛 神策衛 廣

洋衛 應天衛

前軍都督府

本府所屬衛仍隸北

陽衛 牧馬千戶所

京前府 留守前衛

龍江左衛 龍驤衛

飛熊衛 天策衛 豹韜

衛 豹韜左衛 舊為成都中護衛宣德六年改調 後

軍都督府

本府所屬衛仍隸北京後府 留守後衛

橫海衛 鷹揚衛 興武衛 江陰衛

羈縻衛所洪武永樂間邊外歸附者官其長為都督都
指揮指揮千百戶鎮撫等官賜以敕書印記設都司衛
所

都司一 弩爾干都司

衛三百八十四

朵顏衛 泰寧衛 建州衛 必里衛
舊會典作兀里 福餘衛已上洪武間

置 兀者衛 兀者左衛 兀者右衛 兀者後衛

赤不罕衛 屯河衛 安河衛 已上永樂二年置 毛

憐衛 虎兒文衛 失里綿衛 弩爾干衛 堅河衛

舊會典有溫河 撒力衛 已上永樂三年置 古賁河

衛 右城衛 塔魯木衛 蘓溫河衛 幹灘河衛 舊

會典有灘納河 兀者前衛 卜顏衛 亦罕河衛

納憐河衛 麥蘭河衛 兀列河衛 雙城衛 撮刺

兒衛 亦馬刺衛 幹蘭衛 亦兒古里衛 脫木河

衛 卜刺罕衛 密陳衛 脫倫衛 嘉河衛 塔山

衛 阿速江衛 速平江衛 木魯罕山衛 馬英山

衛 土魯罕山衛 木塔里山衛 朶林山衛 兀也

吾衛 吉河衛 劉竹哈衛 舊會典有撒竹藍 福山

衛 舊會典作福三 肥河衛 哈溫河衛 舊會典作哈

里河 木束河衛 撒兒忽衛 罕答河衛 舊會典作

忽答河 劉童衛 已上永樂四年置 阿古河衛 喜

樂溫河衛 木陽河衛 哈蘭城衛 可令河衛 兀

的河衛 哥吉河衛 野木河衛 納刺吉河衛 亦

里察河衛 野兒定河衛 卜魯丹河衛 好屯河衛

喜刺烏河衛 舊會典作喜連烏 考郎兀衛 亦速

里河衛 阿刺山衛 隨滿河衛 撒禿河衛 忽蘭

山衛 古魯渾山衛 阿資河衛 甫里河衛 答刺

河衛 舊會典作納刺河 撒只刺河衛 阿里河衛 舊

會典作阿吉河 木木河衛 亦文山衛 木蘭河衛

朵兒必河衛 甫門河衛已上永樂五年置 納木

河衛 童寬山衛 兀魯罕河衛 塔罕山衛 者帖

列山衛 木興衛 友帖衛 牙魯衛 益賈衛 刺

魯衛 乞忽衛 兀里溪山衛 希灘河衛 弗朵禿

河衛 阿者迷河衛 撒察河衛 幹蘭河衛 阿真

河衛 木忽阿河衛 欽真河衛 克默河衛 察刺

禿山衛 恆罕河衛 阮里河衛 列門河衛 禿都

河衛 實山衛 忽里急山衛 莫溫河衛 薛列河

衛已上永樂六年置 卜魯兀衛 葛林衛 把城衛

剗肥河衛 忽石門衛 剗嶺上衛 木里吉衛

忽兒海衛 伏里其衛 乞勒尼衛 愛河衛 把河

衛 和屯吉衛 夫里木衛 阿倫衛 古里河衛

塔麻連衛已上永樂七年置 木興河衛 木刺河衛

舊會典作木束河衛 喜申衛 使防河衛 舊會典作

使方河 甫兒河衛 亦麻河衛 兀應河衛 法因

河衛 阿答赤河衛 舊會典作阿答 古木山衛 葛

稱哥衛 已上永樂八年置 哨罕河衛 建州左衛

只兒蠻衛 兀刺衛 順民衛 囊哈兒衛 古魯衛

舊會典作古魯山 滿徑衛 哈兒蠻衛 塔亭衛

也孫倫衛 可木河衛 弗思木衛 弗提衛 已上永

樂十年置 幹朵倫衛 永樂十一年置 哈兒分衛

阿兒溫河衛 速塔兒河衛 兀屯河衛 元城衛

和十羅衛 老哈河衛 失兒兀赤衛 卜魯禿河衛

可和衛 乞塔河衛 兀刺忽衛 已上永樂十二年

置 渚冬河衛 創真衛 兀思哈里衛 忽魯愛衛

已上永樂十三年置 吉灘河衛 亦馬忽山衛 已上

永樂十四年置 阿真同真衛 亦東河衛 亦迷河

衛 已上永樂十五年置 建州右衛 益實左衛 阿

答赤衛 塔山左衛 舊會典作塔山前 城討溫衛 舊

會典作成 已上俱正統間置 寄住毛憐衛 此下正統

已後續置 可木衛 失里衛 失木魯河衛 忽魯

木衛 塔馬連衛 失烈木衛 吉灘衛 和屯衛

禾屯吉河衛 亦失衛 亦力克衛 納木衛 弗納

河衛 忽失木衛 兀也衛 也連倫衛 已忽魯衛

兀牙山衛 塔木衛 忽里山衛 罕麻衛 木里

吉河衛 引門河衛 亦里察衛 只卜得衛 塔兒

河衛 木忽魯衛 木答山衛 立山衛 可吉河衛

忽失河衛 脫倫兀衛 阿的納河衛 兀力衛

阿連衛 速溫河衛 納刺吉衛 撒刺衛 亦實衛

弗朵脫河衛 亦屯河衛 元討溫河衛 甫河衛

刺山衛 阿者衛 奎山寬衛 替里衛 亦里察

河衛 哈里分衛 禿河衛 好屯衛 乞列尼衛

撒里河衛 忽思木衛 兀里河衛 忽魯山衛 弗

兒秀河衛 沒脫倫衛 阿魯必河衛 咬里山衛

亦文衛 窩豬谷衛 答里山衛 古木河衛 刺兒

衛 兀同河衛 出萬山衛 者屯衛 喜辰衛 海

河衛 蘭河衛 采州山衛 者亦河衛 納連吉河

衛 把忽兒衛 鎮真河衛 也速河衛 者刺禿衛

也魯河衛 亦里河衛 失里兀衛 幹朵里衛

禿屯河衛 者林山衛 波羅河衛 朵兒平河衛

散力衛 密刺禿山刺 甫門衛 細木河衛 沒倫

河衛 弗禿都河衛 者列帖衛 察札禿河衛 出

萬河衛 者帖列衛 兀失衛 忽里河衛 失里綿

河衛 兀刺河衛 愛河衛 治刺察衛 卜忽禿河

衛 沒倫衛 卜魯衛 以哈河衛 連江平衛

兀山衛 弗力衛 失郎山衛 亦屯衛 木河衛

竹墩衛 河木衛 哈郎衛 歲班衛 失山衛 考

郎衛 築屯衛 黑里河衛 右城衛 弗河衛 文

東河衛 阿古衛 弗山衛 兀答里衛 納速河衛

失列河衛 朵兒玉衛 兀魯河衛 弗郎罕河衛

赤卜罕山衛 老河衛 竹里河衛 吉答納河衛

者不登衛 也速脫衛 阿木河衛 頗亦衛 已下

添設 山答衛 塔哈衛 弗魯納河衛 行子衛

兀勒阿城衛 阿失衛 吉真納河衛 法衛 薄羅
衛 塔麻所衛 布兒哈衛 亦思察河衛 失刺衛

卜忽禿衛 撒里衛 你實衛 平河衛 忽里失
山衛 阿乞衛 台郎衛 塞克衛 拜苦衛 所力

衛 巴里衛 塔納衛 木郎衛 額克衛 勒伏衛
式木衛 樹哈衛 肥哈答衛 益千衛 英禿衛

乞忽衛 阿林衛 哈兒速衛 已答衛 脫木衛
忽把衛 速哈兒衛 馬失衛 塔賽衛 劉里衛

者哈衛 恨克衛 哈失衛 交枝衛 葛衛 艾
答衛 亦蠻衛 哈察衛 革出衛 卜答衛 蜀河

衛 禿里赤山衛 哈失衛 革出衛 卜答衛 蜀河
賽因衛 忙哈衛

所二十四 兀者托溫千戶所 哈魯門山千戶所 兀
者換也木千戶所 兀的罕千戶所 兀者

穩免赤千戶所 得的河千戶所 魚失千戶所 五
年千戶所 兀者已河千戶所 真河千戶所 兀的

千戶所 屯河千戶所 哈三千戶所 兀者屯河千

戶所 古賁河千戶所 五音千戶所 鎖郎塔真河

千戶所 兀者揆野人千戶所 數答河千戶所 兀

秃河千戶所 可里錫千戶所 哈魯門千戶所 兀

討溫河千戶所 兀站七 別兒真站 黑龍江地方莽

者撒野人千戶所 亦帖站 弗朵河站 亦罕

河衛忽把希站 忽把希站 地面七 弗孫河地面 木

弗答林站 古代替站 溫河地面 桶坎

河地面 撒哈地面 亦馬河咬東 寨一 黑龍江忽

地面 可木地面 黑龍江地面 里平寨

西北諸部在明初服屬授以指揮等官設衛給誥印

衛六

赤斤蒙古衛 罕東衛 安定衛

阿端衛 曲先衛 哈密衛

西番即古土番洪武初遣人招諭又令各族舉舊有官

職者至京授以國師及都指揮宣慰使元帥招討等官
俾因俗以治自是番僧有封灌頂國師及贊善闡化等
王大乘大寶法王者俱給印誥傳以為信所設有都指
揮使司指揮司

都指揮使司二

烏思藏都指揮使司
朵甘衛都指揮使司

指揮使司一

隴答衛指揮

宣慰使司三

朵甘宣慰使司
長河西魚通寧遠宣慰使司

董卜韓胡宣慰使司

招討司六

朵甘思招討司
丹招討司

朵甘倉塘招討司
朵甘川招討司

朵甘

討司
磨兒

萬戶府四

沙兒可萬戶府
乃竹萬戶府
羅思端萬戶府
別思麻萬

勘招討司

府千戶所十七

朵甘思千戶所

長河西千戶所

刺宗千戶所

字里

孫千戶所

加八千戶所

兆日千戶所

納竹千戶

所

倫答千戶所

果由千戶所

撒里土兒千戶所

沙里可哈忽的千

參卜

戶所

字里

加思千戶所

撒里土兒千戶所

沙里可哈忽的千

參卜

郎千戶所

刺錯牙千戶所

泄里壩千戶所

潤則

魯孫千

戶所

班軍者衛所之軍番上京師總為三大營者也初永樂

十三年詔邊將及河南山東山西陝西各都司中都留

守司江南北諸衛官簡所部卒赴北京以俟臨閱京操

自此始仁宗初因英國公張輔等言調直隸及近京軍

番上操備諭以畢農而來先農務遣歸既而輔言邊軍
比悉放還京軍少請調山東河南中都淮揚諸衛校閱
制曰可又敕河南山東山西大寧及中都將領凡軍還
取衣裝者以三月畢務七月至京老弱者選代官給之
馬歲春秋番上共十六萬人大寧七萬七百餘中都山
東遞殺河南最少僅一萬四千有奇定為例後允成國
公朱勇等請罷鞏昌諸衛及階文千戶所班軍代以陝
西內地卒山東衛士沿海備倭沿海衛士復內調通州

衛士漕淮安粟安慶衛士赴京操不便皆更之已并放
還陝西班軍正統中京操軍皆戍邊乃遣御史於江北
山東北直選卒為京師備景泰初邊事棘班軍悉留京
間歲乃放還取衣裝于是于謙石亨議三分之留兩番
操備保定河間天津放五十日河南山東九十日淮揚
中都百日紫荆倒馬白羊三關及保定諸城戍卒屬山
東河南者亦如之逃者官鐫秩三等卒盡室謫邊衛明
年謙又言班軍分十營團練久不得休請仍分兩番報

可成化間河南秋班軍二千餘不至下御史趣之海內
燕安外衛卒在京祇供營繕諸役勢家私占復半之卒
多畏苦往往愆期乃定違限罪輕者發居庸密雲山海
關罰班六月重者發邊衛罰班至年半令雖具然不能
革也弘治中兵部言占役之害罰治如議於是選衛兵
八萬團操內外各半外衛四萬兩番迭上李東陽極言
工作困軍班軍逾期不至大率坐此帝然之末年歸大
寧卒兩班萬人正德中宣府軍及京營互調春秋番換

如班軍例迄世宗立乃已嘉靖初尚書李承勛言永樂中調軍番上京師後遂踵為故事衛伍半空而在京者徒供營造不若省行糧之費以募工作御史鮑象賢請分班軍為三二入營操一以赴役通政司陳經復請半放之收其糧募工皆不行久之從翊國公郭勛言寬河南因災不至班軍而諭後犯者罪必如法兵部因條議軍士失期治將領之罪以多寡為差重者至鑄秩戍邊報可其後邊警棘乃併番上軍為一班五月赴京十一

月放還每歲秋防見兵十五六萬仇鸞用事抽邊卒入衛凡選士六萬八千餘又免大寧等衛軍京操改防薊鎮班軍遂耗減豐城侯李熙覈其數僅四萬人因請改徵銀召募而以見軍四萬歸營操練嚴嵩議以各衛兵雖有折乾之弊然清覈令下猶凜凜畏罪若奉旨徵銀恐借為口實祖宗良法深意一旦蕩然帝是之折乾者衛卒納銀將弁以免其行有事則召募以應亡何從平江伯陳圭奏仍令中都山東河南軍分春秋兩班別為

一營春以三月至八月還秋以九月至來歲二月還工

作毋擅役隆慶初大發卒治河軍人憚久役逃亡多部
議於見役軍中簡銳者著伍而以老弱供畚鍤萬厯二
年科臣言班軍非為工作設下兵部止議以小工不得
概派而已時積弊已久軍士苦役甚多愆期不至故事
失班脫逃者罰工銀追月糈其後額外多徵軍益逃中
都尤甚自嘉靖四十三年後積逋工銀至五十餘萬兩
巡撫都御史張紳乞蠲額外工價軍三犯者不必罰工

竟調邊衛而巡視京營給事中王道成則言凡軍一班不到即係一年脫伍盡扣月糧本軍仍如例解京罰補正班三年脫班仍調邊衛並報可衛軍益大困後二十九年帝以班軍多老弱崔倩令嚴飭之職方主事沈朝煥給班軍餉皆傭諸丐因言班軍本處有大糧到京有行糧又有鹽斤銀所費十餘萬金今皆虛冒請解大糧貯庫有警可召募有工可雇役部議請先申飭俟大工竣行之是時專以班軍為役夫番上之初意盡失矣又

五年內庭有小營繕中官陳永壽請仍用班軍可節省
給事中宋一韓爭之謂班軍輪操即三大營軍所係甚
重今邊鄙多事萬一闕吏不謹而京師團練之軍多召
募游徼之役多役占皇城宿衛多白徒四衛扈從多廝
役即得三都司健卒三萬猶不能無恐況動以興作脔
削名存實亡緩急何賴哉不聽四十年給事中麻僖請
恤班操之苦後六年順天巡撫都御史劉曰梧言班軍
無濟實用因陳募兵十利是時法益弛軍不營操皆居

京師為商販工藝以錢入班將啟禎時邊事洶洶乃移
班軍於邊築垣負米無休期而糗糧缺軍多死班將往
往逮革特敕兵部右侍郎專督理鑄印給之然已無及

明史卷九十